

বাংলাদেশ ও বিশ্বপরিচয়

চতুর্থ শ্রেণি




জাতীয় শিক্ষাক্রম ও পাঠ্যপুস্তক বোর্ড, বাংলাদেশ

জাতীয় শিক্ষাক্রম ও পাঠ্যপুস্তক বোর্ড কর্তৃক ২০১৩ শিক্ষাবর্ষ থেকে
চতুর্থ শ্রেণির পাঠ্যপুস্তকগুলো নির্ধারিত

বাংলাদেশ ও বিশ্বপরিচয়

চতুর্থ শ্রেণি

২০২৫ শিক্ষাবর্ষের জন্য পরিমার্জিত



জাতীয় শিক্ষাক্রম ও পাঠ্যপুস্তক বোর্ড, বাংলাদেশ

জাতীয় শিক্ষাক্রম ও পাঠ্যপুস্তক বোর্ড

৬৯-৭০, মতিবিল বাণিজ্যিক এলাকা, ঢাকা-১০০০

কর্তৃক প্রকাশিত

[প্রকাশক কর্তৃক সর্বোত্তম সংরক্ষিত]

প্রথম সংস্করণ রচনা ও সম্পাদনা

ড. মাহবুবা নাসরীন

ড. আব্দুল মালেক

ড. ইশানী চুক্রবর্তী

ড. সেলিমা আকতার

শিল্প সম্পাদনা

হাশেম খান

প্রথম মুদ্রণ : সেপ্টেম্বর ২০১২

পরিমার্জিত সংস্করণ : সেপ্টেম্বর ২০১৫

পুনর্মুদ্রণ : জুলাই ২০২৩

পরিমার্জিত সংস্করণ : অক্টোবর ২০২৪

ডিজাইন

জাতীয় শিক্ষাক্রম ও পাঠ্যপুস্তক বোর্ড, বাংলাদেশ

প্রাথমিক ও গণশিক্ষা মন্ত্রণালয়ের অধীন চতুর্থ প্রাথমিক শিক্ষা উন্নয়ন কর্মসূচির আওতায়
গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য

মুদ্রণে:

প্রসঙ্গকথা

প্রাথমিক স্তর শিক্ষার ভিত্তিভূমি। প্রাথমিক শিক্ষা সুনির্দিষ্ট লক্ষ্যমূলী ও পরিকল্পিত না হলে গোটা শিক্ষাব্যবস্থাই দুর্বল হয়ে পড়ে। এই বিষয়টি বিবেচনায় নিরে ২০১০ সালের শিক্ষানীতিতে প্রাথমিক স্তরকে বিশেষ গুরুত্ব দেওয়া হয়েছে। বিশেষ উন্নত দেশসমূহের সাথে সংগতি রেখে প্রাথমিক স্তরের পরিসর বৃদ্ধি এবং অন্তর্ভুক্তিমূলক করার ওপর জোর দেওয়া হয়েছে। সামাজিক ও অর্থনৈতিক স্তর এবং ধর্ম-বর্ণ কিংবা লৈঙিক পরিচয় কোনো শিশুর শিক্ষাছাত্রের পথে যেন বাধা না হয়ে দাঢ়ায় এ বিষয়েও বিশেষ দৃষ্টি রাখা হয়েছে।

প্রাথমিক শিক্ষাকে ঘুরোপযোগী করার লক্ষ্যে জাতীয় শিক্ষাক্রম ও পাঠ্যপুস্তক বোর্ড (এনসিটিবি) একটি সমন্বিত শিক্ষাক্রম প্রণয়ন করেছে। এই শিক্ষাক্রমে একদিকে শিক্ষাবিজ্ঞান ও উন্নতবিশ্বের শিক্ষাক্রম অনুসরণ করা হয়েছে, অন্যদিকে বাংলাদেশের চিরায়ত শিখন-শেখানো মূল্যবোধকেও গ্রহণ করা হয়েছে। এর মাধ্যমে শিক্ষাকে অধিকতর জীবনমূলী ও ফলপ্রসূ করার প্রয়াস বাস্তব ভিত্তি পেয়েছে। বিশ্বায়নের বাস্তবতায় শিশুদের মনোজাগিতিক অবস্থাকেও শিক্ষাক্রমে বিশেষভাবে বিবেচনায় রাখা হয়েছে।

শিক্ষাক্রম বাস্তবায়নের সবচেয়ে গুরুত্বপূর্ণ উপাদান-উপকরণ হলো পাঠ্যপুস্তক। এই কৃত্তিটি মাথায় রেখে এনসিটিবি প্রাথমিক স্তরসহ প্রতিটি স্তর ও শ্রেণির পাঠ্যপুস্তক প্রণয়নে সবসময় সচেষ্ট রয়েছে। প্রতিটি পুস্তক রচনা ও সম্পাদনার ফেস্টে শিক্ষাক্রমের লক্ষ্য ও উদ্দেশ্যকে প্রাথমিক দেওয়া হয়েছে। শিশুদের বিচির কৌতুহল এবং ধারণক্ষমতা সম্পর্কে রাখা হয়েছে সজাগ দৃষ্টি। শিখন-শেখানো কার্যক্রম যেন একমুখী ও ক্লান্তিকর না হয়ে আনন্দের অনুবৃত্ত হয়ে উঠে সেদিকটি শিক্ষাক্রম এবং পাঠ্যপুস্তক প্রণয়নে বিশেষ গুরুত্ব দেওয়া হয়েছে। আশা করা যায়, প্রতিটি বই শিশুদের সুব্যবস্থার মনোনৈতিক বিকাশের সহায়ক হবে। একই সাথে তাদের কাঞ্জিকত দক্ষতা, অভিযোজন সক্ষমতা, দেশপ্রেম ও নৈতিক মূল্যবোধ অর্জনের পথকেও সুগম করবে।

বাংলাদেশের সমাজ, পরিবেশ, ইতিহাস, ঐতিহ্য, সংকৃতি, মৌলিক চাহিদা, শিশুদের অধিকার ও দায়িত্ব-কর্তব্য, সমাজে সকল মানুষের সাথে সহযোগিতা ও সহযোগিতাবোধ, সুনাগরিক হয়ে উঠার গুণাবলি অর্জন, অন্যের সংস্কৃতি ও পেশার প্রতি অন্ধকাশীল হওয়া, সম্পাদনের সুষ্ঠু ব্যবহার ও সংরক্ষণ, সামাজিক পরিবেশ ও দুর্ঘেস্থি, জনসংখ্যা ও জনসংস্কার ইত্যাদি বিষয়গুলো বাংলাদেশের প্রেক্ষাপটে চতুর্থ শ্রেণির ‘বাংলাদেশ ও বিশ্বপরিচয়’ পাঠ্যপুস্তকে বিশেষভাবে উপস্থাপন করা হয়েছে।

বইটি রচনা, সম্পাদনা ও পরিমার্জনে যেসব বিশেষজ্ঞ ও শিক্ষক নিবিড়ভাবে কাজ করেছেন তাঁদের বিশেষভাবে কৃতজ্ঞতা জানাই। কৃতজ্ঞতা জানাই তাঁদের প্রতিও যাঁরা অলংকরণের মাধ্যমে বইটিকে শিশুদের জন্য চিন্তাকর্ষক করে তুলেছেন। ২০২৪ সালের পরিবর্তিত পরিস্থিতিতে প্রয়োজনের নিরিখে পাঠ্যপুস্তকসমূহ পরিমার্জন করা হয়েছে। এক্ষেত্রে ২০১২ সালের শিক্ষাক্রম অনুযায়ী প্রণীত পাঠ্যপুস্তকটিকে ভিত্তি হিসেবে গ্রহণ করা হয়েছে। সময় ব্যবহার কারণে কিছু ভুলগুটি থেকে যেতে পারে। সুধাজনের কাছ থেকে মৌলিক গৱামৰ্শ ও নির্দেশনা পেলে সেগুলো গুরুত্বের সাথে বিবেচনায় নেওয়া হবে।

পরিশেষে বইটি যাদের জন্য, সেই কোমলমতি শিক্ষাধীনের সার্বিক কল্যাণ কামনা করছি।

অক্টোবর ২০২৪

প্রফেসর ড. এ কে এম রিয়াজুল হাসান

চেয়ারম্যান

জাতীয় শিক্ষাক্রম ও পাঠ্যপুস্তক বোর্ড, বাংলাদেশ

শিক্ষক নির্দেশনা

বাংলাদেশ ও বিশ্বপরিচয় পাঠ্যপুস্তক শিশুদের পারিপার্শ্বিক জগৎ সম্পর্কে অবহিত করার লক্ষ্যে প্রণয়ন করা হয়েছে। শিক্ষার্থীরা যাতে এই বিষয়টির মাধ্যমে মূল্যবোধ, জ্ঞান ও দক্ষতা অর্জন করতে পারে সেদিকে লক্ষ রেখেই শিক্ষাক্রম তৈরি করা হয়েছে।

- বাংলাদেশের সংস্কৃতি, মুক্তিযুদ্ধ, ধর্ম ও রাজনৈতিক ভূখণ্ড সম্পর্কিত পাঠ শিক্ষার্থীদের মূল্যবোধ গঠনে সহায়ক হবে।
- ভূগোল, ইতিহাস ও সমাজ পরিচিতি শিক্ষার্থীদের এ বিষয়গুলোতে জ্ঞান অর্জনে সাহায্য করবে।
- একই সাথে সামাজিক আচরণ ও প্রাকৃতিক অবস্থা সম্পর্কিত তথ্যসংগঠন ও বস্তুনিষ্ঠ বিশ্লেষণ করার মাধ্যমে শিক্ষার্থীরা অনুসন্ধান ও গবেষণা করার দক্ষতা অর্জন করবে।

বাংলাদেশ ও বিশ্বপরিচয় পাঠ্যপুস্তকটির সাথে শিক্ষার্থীরা এখন পরিচিত। কিন্তু তারা এখনও পঠনে সাবলীলতা অর্জন করেনি এবং পাঠ্যপুস্তকের অনুশীলনী করতে অভ্যন্ত নয়। তাই পাঠ্যপুস্তকটিকে শিশুদের জীবন উপযোগী করতে শিক্ষকের সহায়তা আবশ্যিক। এজন্য বইটির সকল পাঠ ও নির্দেশিত কাজ চতুর্থ শ্রেণির শিক্ষার্থীদের জন্য আকর্ষণীয়, বয়স উপযোগী এবং ব্যবহারযোগ্য করতে যথাসাধ্য চেষ্টা করা হয়েছে। শিক্ষার্থীদের বিষয়ভিত্তিক শব্দের জ্ঞান বৃদ্ধির লক্ষ্যে বইয়ের শেষে শব্দভাস্তর দেওয়া হয়েছে।

অধ্যায়

এই পাঠ্যপুস্তকে ১৬টি অধ্যায় আছে। অধ্যায়গুলোকে সমাজ, বান্তির আচরণ, ভূগোল, ইতিহাস ও সংস্কৃতি ইত্যাদি বিষয়বস্তুতে বিভাজন করা হয়েছে। শিক্ষাক্রমে, বাংলাদেশ ও বিশ্বপরিচয় বিষয়টির জন্য প্রতিটি অধ্যায়ের নির্দিষ্ট অর্জন উপযোগী যোগাতা নির্ধারিত রয়েছে। এই অর্জন উপযোগী যোগাতাগুলো সামনে রেখেই প্রতিটি অধ্যায়ের বিষয়বস্তু সাজানো হয়েছে। এ ব্যাপারে শিক্ষক সহায়িকায় বিশদ বর্ণনা দেওয়া আছে।

বিষয়বস্তু

প্রতিটি অধ্যায়কে ২ খেকে ৫টি বিষয়বস্তুতে ভাগ করা হয়েছে। প্রতিটি বিষয়বস্তুতে একটি বিশেষ দিককে নির্দিষ্ট করে গুরুত্ব দেওয়া হয়েছে। প্রতিটি বিষয়বস্তুকে দুটি পৃষ্ঠায় বিস্তৃত করা হয়েছে, যেখানে পাঠ উপস্থাপন করা হয়েছে বাম দিকের পৃষ্ঠায় এবং নির্ধারিত কাজ ও প্রশ্ন দেওয়া হয়েছে ডান দিকের পৃষ্ঠায়। এর ফলে শিক্ষক সহজেই পাঠের সাথে শিখন কার্যক্রমকে সমন্বয় করতে পারবেন এবং শিক্ষার্থীরাও সহজেই নির্দেশিত কাজের জন্য প্রয়োজনীয় পাঠ পাশের পৃষ্ঠায় খুঁজে পাবে।

পাঠ

১৬টি অধ্যায়ের প্রত্যেক বিষয়বস্তুকে একাধিক পাঠে বিভাজন করা হয়েছে। যেকোনো বিষয়বস্তুর প্রথম পাঠে শিক্ষক সেই বিষয়টির মূল পাঠ্যাংশ বই থেকে পড়াবেন ও বলার কাজ (এসো বলি) করাবেন এবং দ্বিতীয় পাঠে লেখার কাজ (এসো লিখি), সংযোজনের কাজ (আরও কিছু করি) এবং যাচাই (যাচাই করি) এর কাজ করাবেন।

শিক্ষার্থীমে, বাংলাদেশ ও বিশ্বপরিচয় বিষয়ের অধ্যায়ভিত্তিক শিখনফল দেওয়া আছে। এই শিখনফলগুলো শিক্ষক সংস্করণে প্রতিটি পাঠের সাথে নির্দিষ্ট করে দেওয়া হয়েছে। এর মাধ্যমে শিক্ষক প্রতিটি শিখনফল অর্জন হচ্ছে কি না তা লক্ষ রাখতে পারবেন।

নির্ধারিত কাজ

বইটিতে মূল পাঠ্যাংশের পাশপাশি প্রশ্ন ও কাজের সমান গুরুত্ব দেওয়া হয়েছে, কারণ এসব কিছুই শিখন প্রক্রিয়ার একটি অপরিহার্য অংশ। শিক্ষার্থীরা শুধু পড়ে এবং মুখ্য করার উপর নির্ভর করে শিখতে পারে না। তারা প্রশ্নাঙ্কের, তথ্য সংগঠন এবং অনুসন্ধানের মাধ্যমে শেখে।

শিক্ষকের জন্য পরামর্শ থাকবে, শিক্ষার্থীদের প্রাথমিক ধারণা বা জ্ঞানের উপর ভিত্তি করে পাঠ শুরু করে প্রয়োজনমতো চারপাশের উদাহরণ ব্যবহার করা। প্রতিটি বিষয়বস্তুর ওপর প্রশ্ন ও কাজ ক্রমান্বয়ে সহজ থেকে কঠিন করা হয়েছে এবং এর মাধ্যমে নিম্নলিখিত দক্ষতাগুলোর অনুশীলন ও সৃজনশীলতার বিকাশ হবে।

এসো বলি : বলার কাজে নিজের ধারণা প্রকাশ করতে এবং অনেকটা অনানুষ্ঠানিকভাবে এ দক্ষতা অর্জন করতে শিক্ষার্থীদের অনুপ্রাণিত করতে হবে। 'এসো বলি'-তে শিক্ষার্থীদের শ্রেণির কাজ সবার সাথে আলোচনায় অংশগ্রহণ করতে উৎসাহিত করতে হবে এবং শিক্ষকের কাজ হবে শিক্ষার্থীদের উত্তর বোর্ডে লিখে দেওয়া। বোর্ডের লেখা দেখে শিক্ষার্থীরা সঠিক বানান শিখতে পারবে যা তাদের লেখার কাজে সহায়তা করবে।

এসো লিখি : লেখার কাজ ক্রমান্বয়ে সহজ থেকে কঠিন করা হয়েছে। যেমন, শিক্ষার্থীরা প্রথমে তালিকা তৈরি করবে, এরপর তথ্য বিভাজন ও শ্রেণিকরণের কাজ করবে এবং আরও পরে বাক্য সম্পন্ন করার কাজ করবে।

আরও কিছু করি : এই অংশের মাধ্যমে শিক্ষার্থীদের বিষয়বস্তুর ওপর জ্ঞান আরও বৃদ্ধি পাবে, যেমন-অঙ্গন বা গবেষণার মাধ্যমে শিক্ষার্থীরা বিষয়ের আরও গভীরে যাবে। যদিও 'আরও কিছু করি'র কাজগুলো পরিকল্পনা ও পরিচালনা করতে কিছু সময় বেশি লাগবে, তারপরও এগুলো শিক্ষার্থীদের জন্য সরণীয় শিখন অভিজ্ঞতা হয়ে থাকবে।

ঘাচাই করি : গাঠনিক মৃগ্যায়নের জন্য প্রতিটি বিষয়বস্তুর শেষে 'ঘাচাই করি' অংশ দেওয়া হয়েছে। এখানে আছে বহুনির্বাচনি প্রশ্ন, শুনাস্থান পূরণ, মিলকরণ এবং সংক্ষিপ্ত উত্তর-প্রশ্ন। এ ছাড়াও পুত্তকের শেষে নমুনা প্রশ্ন দেওয়া আছে।

শিক্ষার্থীদের কাজে বৈচিত্র্য আনার জন্য বিভিন্ন ধরনের দলীয়, জোড়ায় ও একক কাজ সংযোজন করা হয়েছে। শিক্ষক সিদ্ধান্ত নেবেন, কোন কাজের জন্য কী উপায়ে শিক্ষার্থীদের দলে ভাগ করা হবে। এর ফলে শিক্ষার্থীরা আগে থেকেই বুঝতে পারবে কোন কাজের জন্য কীভাবে প্রস্তুতি নিতে হবে ও দলে ভাগ হতে হবে।

মূল্যায়ন

সর্বোপরি, শব্দভান্ডরের আগে শিক্ষার্থীদের সামাজিক মূল্যায়নের সহায়তার জন্যে পাঠ্যপুস্তকের শেষে অধ্যায়ভিত্তিক কিছু নমুনা প্রশ্ন সংযোজন করা হয়েছে।

সূচিপত্র

১ আমাদের পরিবেশ ও সমাজ	২
২ সমাজে পরম্পরার সহযোগিতা	৬
৩ বাংলাদেশের বিভিন্ন নৃ-গোষ্ঠী	১০
৪ নাগরিক অধিকার	১৮
৫ মূল্যবোধ ও আচরণ	২৪
৬ পরমতসহিতৃতা	২৮
৭ কাজের মর্যাদা	৩২
৮ সামাজিক প্রতিষ্ঠান এবং রাষ্ট্রীয় সম্পদ	৩৮
৯ এলাকার উন্নয়ন	৪৪
১০ এশিয়া মহাদেশ	৪৮
১১ বাংলাদেশের ভূপ্রকৃতি	৫২
১২ দুর্যোগ মোকাবিলা	৬০
১৩ বাংলাদেশের জনসংখ্যা	৬৬
১৪ আমাদের ইতিহাস	৭০
১৫ আমাদের সুস্থিযুদ্ধ	৭৪
১৬ আমাদের সংস্কৃতি	৮০
• নমুনা প্রশ্ন	৮৬
• শব্দভাস্তুর	৯০



আমাদের পরিবেশ ও সমাজ

১ প্রাকৃতিক পরিবেশের বৈচিত্র্য

প্রকৃতির বিভিন্ন উপাদান নিয়ে প্রাকৃতিক পরিবেশ গঠিত হয়। প্রকৃতির উপাদানগুলো হলো মাটি, পানি, বাতাস, তাপ, আলো, গাছপালা, সাগর-মহাসাগর, নদী, পশু-পাখিসহ নানা প্রাণী ইত্যাদি। পৃষ্ঠিবীর বিভিন্ন অঞ্চলের প্রাকৃতিক পরিবেশের মধ্যে বৈচিত্র্য রয়েছে। কোনো অঞ্চল তুষারে ঢাকা। আবার কোনো কোনো অঞ্চল শূক্র মরুভূমি। বিভিন্ন স্থানের জলবায়ুর মধ্যেও রয়েছে ভিন্নতা। কোথাও জলবায়ু শীতল কোথাও উষ্ণ কোথাও আবার নাতিশীতোষ্ণ। কোনো স্থান শূক্র, কোথাও বৃষ্টির পরিমাণ বেশি।



শূক্র পরিবেশ



বৃক্তিভেজা পরিবেশ

বাংলাদেশের উত্তর ও দক্ষিণ অঞ্চলের প্রাকৃতিক পরিবেশে ভিন্নতা রয়েছে। উত্তর অঞ্চলের ভূমি উঁচু, নদ-নদীর সংখ্যা কম। গ্রীষ্মকালে অনেক গরম পড়ে। শীতকালে বেশ ঠাণ্ডা পড়ে। আবার দেশের দক্ষিণ অঞ্চলের ভূমি নিচু, সেখানে অনেক নদী মিলিত হয়েছে। খাল-বিল ও জলাশয় আছে প্রচুর। আবার উত্তর পূর্বে আছে হাওড়-বাওড়। এসব কারণে এ অঞ্চলে বন্যার প্রবণতা বেশি। আবার দেশের দক্ষিণ-পশ্চিমে আছে উপকূলীয় বনাঞ্চল, যেখানে জলাবদ্ধতা ও লবণাক্ততার পরিমাণ বেশি। তেমনি বড় জলোচ্ছাসের সংখ্যা ও কম নয়। দক্ষিণে ঢাল হয়ে সুন্দরবন আমাদের এসব দুর্ঘাগ থেকে অনেকখানি রক্ষা করে।

১০ ক | এসো বলি

শিক্ষকের সহায়তায় শ্রেণিতে তোমার এলাকার প্রাকৃতিক পরিবেশ নিয়ে আলোচনা কর।

- অঞ্চলটির ভূমি কেমন?
- জলবায়ু কেমন?

১১ খ | এসো লিখি

বাংলাদেশের উত্তর ও দক্ষিণ অঞ্চলের পার্থক্য লেখ। কাজটি একজন সহপাঠীর সাথে কর।

বাংলাদেশের উত্তর অঞ্চল	বাংলাদেশের দক্ষিণ অঞ্চল

১২ গ | আরও কিছু করি

প্রাকৃতির বিভিন্ন অঞ্চলের ছবি সংগ্রহ কর : তুষারে ঢাকা অঞ্চল, ময়ুভূমি, পাহাড়, সাগর।

১৩ ঘ | যাচাই করি


প্রাকৃতিক পরিবেশের কারণে অঞ্চলভেদে যে পার্থক্যগুলো দেখা যায়, তার দুইটি বৈশিষ্ট্য লেখ।



সামাজিক পরিবেশ ও প্রকৃতি: পারস্পরিক প্রভাব

প্রাকৃতিক পরিবেশ ছাড়াও সামাজিক পরিবেশ রয়েছে। মানবসৃষ্ট উপদান নিয়ে সামাজিক পরিবেশ গঠিত। যেমন, বাড়ি, বিদ্যালয়, খেলার মাঠ ইত্যাদি। একই সাথে সমাজের বিভিন্ন কাজ হেমন, কৃষি ও পরিবহন ব্যবস্থাও সামাজিক পরিবেশের অংশ।

আমাদের সামাজিক পরিবেশ প্রাকৃতিক পরিবেশের উপর নির্ভরশীল। কোনো অঞ্চলে ঠাণ্ডা বেশি আবার কোনো অঞ্চলে গরম বেশি। যেখানে শীত বেশি সেখানে আমরা শীতের প্রকোপ থেকে রক্ষা পাওয়ার জন্য মোটা জামা-কাপড় পরি। এ সময়ে আমরা ভিন্ন ধরনের খাবার খাই। এমনভাবে ঘরবাড়ি তৈরি করি যেন ঘর গরম থাকে। শুক্র এলাকায় গাছ ও ফসল কম জন্মে। এছাড়া যেসব এলাকায় জলাশয় ও নদ-নদী বেশি, সেসব এলাকায় মাছের চাষ বেশি হয় এবং সহজেই সেচের কাজও করা যায়। শুক্র এলাকায় জীবিকা ও উর্বর বা জলজ এলাকায় জীবিকা ও জীবনপ্রণালিসহ সংস্কৃতি আলাদা হয়।



এ ধরনের প্রাকৃতিক পরিবেশে চাষের কাজ হয় বেশি



যেখানে জলাশয় ও নদ-নদী বেশি সেখানে পরিবহনের প্রধান মাধ্যম মৌলিক।

সামাজিক পরিবেশও প্রকৃতির উপর প্রভাব ফেলে। মানুষ তার জীবনধারণের প্রয়োজনে প্রযুক্তি আবিষ্কার করেছে, যা আমাদের প্রকৃতির উপর অনেক সময় দূষণ ও সমস্যা তৈরি করেছে। উন্নত জীবনধারণের জন্য নানা অবকাঠামো যেমন বাড়ি, রাস্তা, সেতু, কারখানা বানাতে গিয়ে গাছ কেটে, নদী ভরাট করে প্রকৃতিকে ধ্বংস করা হয়েছে, যা অগ্রহণযোগ্য। তাই আমাদের পরিবেশ নিয়ে সচেতন হতে হবে। আমাদের বেশি করে গাছ লাগানো উচিত। অচুর গাছপালা থাকলে আবহাওয়া ঠাণ্ডা থাকে, বায়ু দূষণ করে এবং বৃষ্টিপাত হয়। বৃষ্টি মাটির জন্য উপকারী। আমাদের প্লাস্টিকের ব্যবহার বন্ধ করতে হবে যাতে দূষণ করে।



ক | এসো বলি

পৃষ্ঠা ২ ও ৪ দেখ, সেখানে চার ধরনের যানবাহনের ছবি দেওয়া আছে। যানবাহনগুলো ভিন্ন ভিন্ন পরিবেশে কেন উপযুক্ত তা শিক্ষকের সহায়তায় শ্রেণিতে আলোচনা কর।



খ | এসো লিখি

প্রাকৃতিক পরিবেশ কীভাবে আমাদের সামাজিক কাজকে প্রভাবিত করে তার উদাহরণ দাও।

বৃষ্টিভেজা পরিবেশ	শুষ্ক পরিবেশ



গ | আরও কিছু করি

প্রাকৃতিক পরিবেশের উপর জলবায়ুর প্রভাব আলোচনা কর।



ঘ | যাচাই করি

প্রাকৃতিক পরিবেশের উপর সমাজের প্রভাব কমাতে আমরা কী করতে পারি?

অধ্যায় ২

সমাজে পরম্পরার সহযোগিতা

৩

নারী ও পুরুষ

পরিবারে আমরা সবাই মিলেমিশে শান্তিতে বসবাস করি। মা-বাবা ও ভাই-বোন নিয়ে আমাদের পরিবার। কেনো কোনো পরিবারে দাদা-দাদি ও অন্যান্য আত্মীয়-পরিজন থাকেন। আমরা যেমন আমাদের মা-বাবাকে শুন্দা করি, তেমনি তাঁরাও তাদের পিতা-মাতাকে শুন্দা করেন ও ভালোবাসেন। আর তাঁরা সন্তানদের ভালোবাসেন এবং তাদের লালন-পালনের দায়িত্ব নেল।

একটি পরিবারে মেয়ে ও ছেলে শিশু সবাই সমান। সবাইই সমান পুষ্টি, শিক্ষাগ্রহণ ও অন্যান্য সুযোগের অধিকার রয়েছে। পরিবারের বিভিন্ন কাজে ছেলে-মেয়ে সকলেরই অংশগ্রহণ করা প্রয়োজন।

বর্তমান সময়ে নারী ও পুরুষ সবাই ঘরে ও বাহিরে কাজ করেন। সবখানেই নারী ও পুরুষকে সমান চোখে দেখা উচিত। নারী ও পুরুষ উভয়ের সব ধরনের কাজ করার যোগ্যতা রয়েছে।

আমাদের দেশের মোট জনসংখ্যার প্রায় অর্ধেক নারী ও অর্ধেক পুরুষ। দেশের উন্নয়নে নারী ও পুরুষের সমান অবদান রয়েছে। কাজেই নারী ও পুরুষের মাঝে কোনো বৈধম্য করা উচিত নয়।



কর্মক্ষেত্রে নারী ও পুরুষ একত্রে কাজ করছেন

১০ ক | এসো বলি

শিক্ষকের সহায়তায় শ্রেণিতে আলোচনা কর।

- তোমার দেখা কোনো পরিবারে ছেলে ও মেয়ে শিশুকে কি একই সুযোগ-সুবিধা দেওয়া হয়?
- শিক্ষাক্ষেত্রে কি ছেলে ও মেয়েদের সমান সুযোগ আছে? তোমার আশপাশে কী দেখো?
- সকল ফ্রেন্টে মেয়ে ও ছেলে শিশুকে সমান সুযোগ দেওয়া উচিত কেন?

১১ খ | এসো লিখি

নিচের টেবিলে প্রথম কলামে এমন কয়েকটি কাজের নাম লেখ, যে কাজগুলো শুধু পুরুষদের করতে দেখা যায়। দ্বিতীয় কলামে কয়েকটি কাজের নাম লেখ, যে কাজগুলো নারী ও পুরুষ দুইজনকেই করতে দেখা যায়। তৃতীয় কলামে নারীরা সাধারণত যে কাজগুলোতে অংশ নেন, সে কাজগুলোর নাম লেখ। কাজটি একজন সহপাঠীকে সঙ্গে নিয়ে কর।

পুরুষ	নারী ও পুরুষ	নারী

১২ গ | আরও কিছু করি

পরিবারের একটি মজার বিষয় নিয়ে আলোচনা কর। নিজেদের মধ্যে কয়েকটি বিষয় তুলনা করে দেখ। ছেলে ও মেয়েরা কি একই ধরনের খেলনা দিয়ে খেলে? তারা কি একই বিষয় নিয়ে আগ্রহ প্রকাশ করে? একই রকম ও আলাদা বিষয়গুলো নিয়ে একটি তালিকাতৈরি কর।

১৩ ঘ | যাচাই করি

উপর্যুক্ত শব্দ দিয়ে বাক্যটি সম্পূর্ণ কর।

মানুষকে সমানভাবে না দেখাকে বলে

২ সামাজিক বিভিন্নতা ও বিশেষ চাহিদাসম্পন্ন শিশু

আমরা বিভিন্ন সামাজিক অবস্থান থেকে এসেছি।

- ✓ সকলের মাত্তাবা এক নয়
- ✓ কারও ধর্ম আলাদা
- ✓ অনেকের মা-বাবার পেশা ভিন্ন
- ✓ অনেকের বিশেষ চাহিদা রয়েছে।

অনেক শিক্ষার্থী আছে যাদের পারিবারিক অবস্থার মধ্যে ভিন্নতা রয়েছে। যেমন, অনেকে শিশু বয়সেই মা-বাবার সাথে আয়-রোজগারের কাজ করে। আর এ কারণে অনেকে বিদ্যালয়ে আসতে পারে না। তাদের ক্লে আসার অধিকার দরকার। সমাজে বৈচিত্র্য আমাদের মধ্যে সংহতি ও সহিষ্ণুতা বাড়ায়। বিভিন্ন ধরনের মানুষের বিচিত্র ভাবনা সমাজকে সমৃদ্ধ করে। তাই আমাদের বৈচিত্র্যকে গ্রহণ করতে হবে। যেমন যাদের ধর্ম বা ভাষা আলাদা তাদের কাছে পৃথিবী সম্পর্কে ভিন্ন অভিজ্ঞতা শেখা যায়। যা আমাদের মনের সংকীর্ণতা দূর করতে সাহায্য করে।

শ্রেণিতে কারও পড়া শিখতে একটি বেশি সময় লাগে। কারণ তার :

- ✓ দেখায় সমস্যা থাকতে পারে;
- ✓ শোনায় সমস্যা থাকতে পারে;
- ✓ কোনো শারীরিক অসুবিধা থাকতে পারে;
- ✓ কোনো মানসিক সমস্যা থাকতে পারে।



বিশেষ চাহিদাসম্পন্ন সহপাঠীকে সাহায্য করা

যারা এই ধরনের সমস্যায় ভোগে তাদের জন্য আমরা কী করতে পারি? আমাদের মনে রাখতে হবে, যেকোনো শিশুরই এই ধরনের সমস্যা থাকতে পারে। কাজেই তাদের বিদ্যালয়ে আসতে উৎসাহিত করতে হবে। তাদের মনে কষ্ট দেওয়া আমাদের উচিত নয়। তাদের জীবন কীভাবে সহজ করা যায় তা আমাদের ভাবতে হবে। প্রয়োজনে আমরা সবাই সবার পাশে দাঁড়াব এবং সহযোগিতা করব। আমরা সবাইকে মানুষ হিসেবে মর্যাদা দিতে শিখব, যাতে প্রত্যেকে তার সম্ভাবনাকে বিকশিত করতে সুযোগ পায়।



ক | এসো বলি

সামাজিক বৈচিত্র্য নিয়ে শিক্ষকের সহায়তায় শ্রেণিতে আলোচনা কর।

- বৈচিত্র্যের ফলে আমাদের সমাজ কীভাবে সমৃদ্ধ হয়?
- বিদ্যালয়ে/শ্রেণিকক্ষে কী কী ধরনের চাহিদার শিশু থাকতে পারে?



খ | এসো লিখি

শ্রেণিতে শিক্ষার্থীরা কী ধরনের সমস্যার সম্মুখীন হতে পারে এবং কীভাবে তাদের সহায়তা প্রদান করা যায়, তা নিচের ছকে লেখ। কাজটি একজন সহপাঠীকে সঙ্গে নিয়ে কর।

সমস্যা	আমরা কীভাবে সাহায্য করতে পারি



গ | আরও কিছু করি

প্রতিদিন অন্যের জন্য একটি ভালো কাজ করার চেষ্টা কর। তারপর প্রতিদিনের সেই ভালো কাজগুলো ডায়রিতে লিখে রাখ।



ঘ | যাচাই করি

বাম পাশের সাথে ডান পাশের বাক্যাংশের মিল কর :

ক. আমরা যদি কাউকে খারাপ কথা বলি	তাদের চলাচলে সাহায্য করব।
খ. যার বাংলা বুৰুতে সমস্যা হয়	তাদের শ্রেণিতে সামনে বসতে দেব।
গ. যার হাঁটা-চলায় সমস্যা আছে	তারা কফ্ট পাবে।
ঘ. আমাদের কোনো সহপাঠীর যদি দেখার বা শোনার সমস্যা থাকে	তাদের ভাষা বুৰুতে সাহায্য করব।

অধ্যায় ৩

বাংলাদেশের বিভিন্ন নৃ-গোষ্ঠী

৪

চাকমা

বাংলাদেশে ৪৫টিরও অধিক নৃ-গোষ্ঠী আছে। বিভিন্ন জনগোষ্ঠীর সমাহারের কারণে আমাদের সমাজ এতো বৈচিত্র্যময়।


এ পাঠে আমরা জানব চাকমা জনগোষ্ঠী সম্পর্কে। বাংলাদেশের বাঙালি ব্যতীত ভিন্ন নৃ-গোষ্ঠীর মধ্যে চাকমা হচ্ছে সংখ্যাগরিষ্ঠ। তারা বেশির ভাগ বাস করেন রাঙামাটি ও খাগড়াছড়ি অঞ্চলে। চাকমা জনগোষ্ঠীর অধিকাংশ হচ্ছে বৌদ্ধ ধর্মাবলম্বী।

জীবনধারা

চাকমাদের নিজস্ব ভাষা ও বর্ণমালা আছে। তাদের নিজেদের ভাষায় রচিত গান আছে। ঐতিহ্যবাহী নাচ আছে। চাকমাদের নিজেদের রাজা আছেন এবং প্রতিটি গ্রামে একজন করে গ্রামপ্রধান থাকেন, যাকে চাকমারা ‘কারবারি’ বলে। চাকমারা কাঠ ও বাঁশ দিয়ে মাচার মতো ঘর তৈরি করেন। চাকমারা ‘জুম’ পদ্ধতিতে কৃষিকাজ করে থাকেন। এই পদ্ধতিতে পুরাতন ফসল পুড়িয়ে গর্ত খুঁড়ে নতুন করে বীজ বপন করা হয়। তাদের প্রধান খাবার ভাত।

পোশাক

চাকমারা নিজেরা তাঁতে নানা নকশায় সুন্দর সুন্দর কাপড় বুনন করেন। চাকমা মেয়েরা কেমন থেকে নিচ পর্যন্ত এক ধরনের কাপড় পরেন, যাকে ‘পিলোন’ বলা হয়। শরীরের উপরের অংশে যে ওড়না পরেন তাকে ‘হাদি’ বলা হয়। চাকমা পুরুষেরা সাধারণত ফতুয়া ও লুঙ্গি পরে থাকেন।



উৎসব

চাকমা জনগোষ্ঠী বৌদ্ধদের মূল ধর্মীয় উৎসবগুলো পালন করেন। বিশেষ করে বৈশাখ মাসে পালিত হয় বৌদ্ধ পূর্ণিমা এবং বাংলা নববর্ষের সময়ে তিন দিন ধরে পালিত হয় ‘বিজু’ উৎসব। উৎসবের সময় তারা বাড়িঘর ফুল দিয়ে সাজান এবং পরল্পরের সাথে শুভেচ্ছা বিনিময় করেন।



ক | এসো বলি

চাকমাদের জীবনধারা সম্পর্কে শিক্ষকের সহায়তায় আলোচনা কর।



খ | এসো লিখি

চাকমাদের উল্লেখযোগ্য কিছু বিষয় নিচের তালিকায় দেওয়া আছে। বাড়ি, খাবার ও কৃষি নিয়ে একই ধরনের আরেকটি ছক তৈরি কর এবং উল্লেখযোগ্য দিকগুলো লেখ।

জীবনধারা	পোশাক	উৎসব
নিজেদের ভাষা, ধর্মগ্রামা ও গান আছে। রাজ্য স্বার্য পরিচালিত ও হ্রামপ্রধান আছেন।	নিজেরা তাঁতে পোশাখা তৈরি করেন।	বৌদ্ধ ধর্মীয় উৎসব



গ | আরও কিছু করি

চাকমা নৃ-গোষ্ঠীর জীবনের সাথে তোমার জীবনের একটি মিল ও একটি ভিন্নতা খুঁজে বের কর এবং লেখ।



ঘ | যাচাই করি

সঠিক উত্তরের পাশে টিকচিহ্ন (✓) দাও।

বাংলাদেশের কোন অংশে চাকমা জনগোষ্ঠী বাস করেন?

- ক) উত্তর-পশ্চিমে খ) উত্তর-পূর্বে গ) দক্ষিণ-পশ্চিমে ঘ) দক্ষিণ-পূর্বে



মারমা

চাকমা নৃ-গোষ্ঠীর পর বাংলাদেশের দ্বিতীয় বৃহত্তম নৃ-গোষ্ঠী মারমা। মারমা নৃ-গোষ্ঠীর বেশির ভাগ বসবাস করেন বান্দরবান, খাগড়াছড়ি ও রাঙামাটি এলাকায়।

জীবনধারা

মারমাদের নিজেদের রাজা আছেন। এছাড়া গ্রামে গ্রামপ্রধান থাকেন। তাদের বাড়িগুলি উচু স্থানে মাচা করে তৈরি করা হয়। মারমা নৃ-গোষ্ঠীর লোকেরা ভাতের সাথে নানা ধরনের সবজি সিদ্ধ করে খেতে পছন্দ করেন। তারা শুটকি মাছের ভর্তা খান, যা ‘নাপিং’ নামে পরিচিত। মারমারা ‘জুম’ পদ্ধতিতে চাষ করেন। এছাড়া তারা মাছ ধরা, কাপড় তৈরি ও বিক্রি করে জীবিকা নির্বাহ করেন। তারা পূর্বে নানা ধরনের ঔষধি গাছ থেকে ঔষধ তৈরি করে ব্যবহার করতেন। তবে এখন সবার মতো আধুনিক চিকিৎসা ও ঔষধ ব্যবহার করে থাকেন।

পোশাক

মারমা ছেলে ও মেয়েদের ঐতিহ্যবাহী পোশাকের নাম ‘থামি’ ও ‘আজি’। অবশ্য বর্তমানে মারমা ছেলে-মেয়েরা আধুনিক পোশাকই বেশি পরে।

উৎসব

মারমা জনগোষ্ঠীর লোকেরা বৌদ্ধধর্মের সকল উৎসব পালন করেন। প্রতি মাসে তারা পূর্ণিমার সময় ‘লাবরে’ পালন করেন। এছাড়া প্রতি বছর বৈশাখ মাসের দ্বিতীয় দিনে মারমারা ‘সাংগ্রাই’ উৎসব উদ্বাপন করেন। এই বিশেষ দিনে তারা পানি দিয়ে খেলেন।



বিবাহ অনুষ্ঠানে ঐতিহ্যবাহী মারমা পোশাকে বর ও কনে



ক | এসো বলি

মারমা নৃ-গোষ্ঠীর কেউ কি তোমার পরিচিত? তাদের কোনো বিশেষ রীতিনীতির সাথে কি তুমি পরিচিত? শিক্ষকের সহায়তায় শেণিতে আলোচনা কর।

- চাকমাদের সাথে মারমাদের কোন কোন বিষয়ে মিল আছে?
- মারমা সংস্কৃতির কোন দুইটি বিষয়ে অনেক পরিবর্তন এসেছে?



খ | এসো লিখি

মারমাদের জীবনধারা সম্পর্কে যা যা শিখেছ, তা নিচের ছকে দেওয়া তিনটি শিরোনামে লেখ। কাজটি একজন সহপাঠীকে সঙ্গে নিয়ে কর।

বাড়ি	খাদ্য	কৃষি



গ | আরও কিছু করি

মারমা নৃ-গোষ্ঠীর কারও সাথে দেখা হলে তুমি তাদের সম্পর্কে কী কী বিষয় জানতে আগ্রহী তার একটি তালিকা তৈরি কর।



ঘ | যাচাই করি

সঠিক উত্তরের পাশে টিকচিহ্ন (✓) দাও।

মারমারা বছরে কয়টি 'লাবরে' উদ্ঘাপন করেন?

- | | |
|---------|-----------|
| ক) একটি | খ) দুইটি |
| গ) দশটি | ঘ) বারোটি |



সাঁওতাল

বাংলাদেশের দিনাজপুর, রাজশাহী, নওগাঁ, ঢাপাইনবাবগঞ্জ, নাটোর, রংপুর ও বগুড়া জেলায় সাঁওতালরা বাস করেন। এছাড়াও সাঁওতালদের একটি বড় অংশ ভারতে বাস করেন।

জীবনধারা

সাঁওতালদের নিজস্ব ভাষা আছে। সাঁওতালদের প্রধান খাবার ভাত। এছাড়াও তারা মাছ, মাংস ও সবজির পাশাপাশি ‘নালিতা’ নামে এক ধরনের খাবার খান, যা পাট গাছের পাতা দিয়ে রান্না করা হয়। বর্তমানে কৃষি তাদের প্রধান পেশা। এছাড়া মাছ ধরা, চা বাগানের কাজ, কুটির শিল্পসহ আরও নানা ধরনের কাজ করে থাকেন।

গোশাক

সাঁওতাল মেয়েরা দুইখণ্ড কাপড় পরেন। উপরের অংশকে বলা হয় ‘পানচি’
এবং নিচের অংশকে বলা হয় ‘পাড়হাট’।

ছেলেরা আগে ধূতি পরতেন। বর্তমানে
লুঙ্গি, গেঞ্জি ও শার্ট পরেন।

উৎসব

সাঁওতালরা উৎসব প্রিয়।

সাঁওতালদের পাঁচটি প্রধান

উৎসব হলো :

সাঁওতালি নৃত্য



মাস	উৎসব
পৌষ	বছরে প্রধান ফসল তোলার পর ‘সোহরায় উৎসব’ পালন করা হয়।
মাঘ	‘মাঘ সিম’ হলো ঘর বানানোর জন্য বন থেকে খড় কুড়ানোর উৎসব।
ফাল্গুন	বসন্তের প্রথম দিনের উৎসব।
আশাঢ়	‘এর কংসিম’ উৎসবে প্রতিটি পরিবার থেকে দেবতাদের উদ্দেশে একটি করে মুরগি উৎসর্গ করা হয়।
ভাদ্র	‘হাড়িয়ার সিম’ উৎসবে ফসলের জন্য বারোয়ারি ভোগ দেওয়া হয়।



পঁয় ক | এসো বলি

সাঁওতাল জনগোষ্ঠীর সাথে চাকমা ও মারমা জনগোষ্ঠীর কী কী পার্থক্য রয়েছে? শিক্ষকের সহায়তায় আলোচনা কর।



খ | এসো লিখি

সাঁওতালদের জীবনধারা সম্পর্কে যা যা জেনেছ, তা নিচের ছকে দেওয়া তিনটি শিরোনামে লেখ। কাজটি একজন সহপাঠীকে সঙ্গে নিয়ে কর।

ভাষা	থান্ধ	পেশা



গ | আরও কিছু করি

বাংলাদেশের একটি মানচিত্র নাও এবং এই অধ্যায়ে যে সকল নৃ-গোষ্ঠী সম্পর্কে জানলে তারা যে সব অঞ্চলে বসবাস করেন, সে স্থানগুলো চিহ্নিত কর।



ঘ | যাচাই করি

সঠিক উত্তরের পাশে টিকচিহ্ন (✓) দাও :

সাঁওতালদের উৎসব কোনটি?

- | | |
|--------------|------------------|
| ক) সাংগ্রাহি | খ) হাড়িয়ার সিম |
| গ) বিজু | ঘ) লাবরে |

৮

মণিপুরি

মণিপুরি নৃ-গোষ্ঠীর লোকেরা বাংলাদেশে সিলেট, মৌলভীবাজার, হবিগঞ্জ ও সুনামগঞ্জ জেলায় বসবাস করেন। মৌলভীবাজার জেলার কমলগঞ্জে অধিকাংশ মণিপুরি বসবাস করেন। এই নৃ-গোষ্ঠীর অনেকেই ভারতের মণিপুর, আসাম ও ত্রিপুরা রাজ্যে বাস করেন। মণিপুরিরা তিনটি জনগোষ্ঠীতে বিভক্ত: মৈতে, বিষ্ণুপ্রিয়া ও পাঙ্গাল। তাদের মধ্যে দুটি ভাষা প্রচলিত রয়েছে।

জীবনধারা

মণিপুরিদের বাড়িঘর বাঁশ, কাঠ, ইট বা টিনের তৈরি। তারা ভাত, মাছ ও নানা ধরনের সবজি খান। মাংস সামাজিকভাবে নিষিদ্ধ, তবে পাঙ্গালরা মাংস খান। তাদের একটি প্রিয় খাবারের নাম ‘শিংজু’ বা ‘সিঙ্গো’, যা নানা ধরনের শাক দিয়ে তৈরি। মণিপুরিরা মূলত কৃষিজীবী ও তাঁতি।

পোশাক

মণিপুরি মেয়েরা ঘাগড়া জাতীয় যে পোশাক পরেন তার নাম ‘ফানেক’ বা ‘লাহিং’। তাদের ব্লাউজকে ‘ফুরিং’ বা ‘আহিং’ এবং ওড়নাকে ‘ইনাফি’ বলা হয়। ছেলেরা ধূতি, পায়জামা ও পাঞ্জাবি পরেন।

উৎসব

মণিপুরিদের নানা ধরনের সামাজিক ও ধর্মীয় উৎসব আছে। যেমন- রথযাত্রা, চৈত্রসংক্রান্তি, দোলযাত্রা, রাসপূর্ণিমা ইত্যাদি। পাঙ্গালরা সৈদ উৎসব পালন করেন। মণিপুরিরা প্রায় সারা বছরই উৎসবে মেতে থাকেন। নাচ, গান, কীর্তন ও বাদ্যযন্ত্রের মাধ্যমে তারা আনন্দ প্রকাশ করেন।



ক | এসো বলি

শিক্ষকের সহায়তায় মণিপুরি জনগোষ্ঠী সম্পর্কে শ্রেণিতে আলোচনা কর।

খ | এসো লিখি

মণিপুরিদের জীবনধারা সম্পর্কে নিচের ছকে দেওয়া তিনটি শিরোনামে লেখ। কাজটি একজন সহপাঠীকে সঙ্গে নিয়ে কর।

বাড়ি	খাদ্য	কাজ

গ | আরও কিছু করি

এখানে বেশ কয়েকটি নৃ-গোষ্ঠীর ছবি দেওয়া আছে। তাদের সামাজিক রীতিনীতি কীভাবে তোমার রীতিনীতি থেকে আলাদা? শিক্ষকের সহায়তায় শ্রেণিতে আলোচনা কর।



চাকমা



মণিপুরি



মারমা



সাওতাল

ঘ | যাচাই করি

বাম পাশের সাথে ডান পাশের বাক্যাংশের মিল কর।

ক. মণিপুরিরা	পাঁচটি উৎসব পালন করেন।
খ. চাকমা মেয়েদের পোশাক	নাপ্পি।
গ. প্রতিবছর সাঁওতালরা	শিংজু বা সিধেঁতী নামের খাবার খান।
ঘ. মারমাদের একটি প্রিয় খাবারের নাম	পিনোন হাদি।

নাগরিক অধিকার



সামাজিক অধিকার

বাংলাদেশের নাগরিক হিসেবে আমরা রাষ্ট্রের কাছ থেকে প্রধানত তিনি ধরনের অধিকার পাই। যেমন, সামাজিক অধিকার, রাজনৈতিক অধিকার ও অর্থনৈতিক অধিকার।

সমাজে সুস্থ ও সুন্দর জীবনযাপনের জন্য যেসব অধিকার অপরিহার্য সেসব অধিকারকে সামাজিক অধিকার বলে। রাষ্ট্রের কাছ থেকে আমরা এই অধিকারগুলো পেয়ে থাকি। নিচের ছক থেকে কয়েকটি সামাজিক অধিকার জেনে নিই।



বেঁচে থাকার অধিকার

জীবন রক্ষার অধিকার সকল
অধিকারের মধ্যে অন্যতম।

আমদের বেঁচে থাকার জন্য প্রয়োজন খাদ্য, বস্ত্র,
বাসস্থান, চিকিৎসা ইত্যাদিসহ জীবনের নিরাপত্তা।



শিক্ষার অধিকার

শিক্ষালাভের অধিকার
প্রত্যেক নাগরিকের একটি
অন্যতম অধিকার। রাষ্ট্রের
উন্নয়নের জন্য প্রত্যেক নাগরিকের শিক্ষা গ্রহণ
করা প্রয়োজন। নারী ও ভিন্ন জাতি-ধর্মের মানুষের
শিক্ষা গ্রহণের অধিকার থেকে বাধ্যত করা যাবে না।



চলাফেরার অধিকার

প্রত্যেক নাগরিকের
দেশের ভিতরে স্বাধীনভাবে
চলাফেরার অধিকার আছে। এ কারণে আমরা
কোনো রকম বাধা ছাড়া সহজেই যেকোনো স্থানে
যেতে পারি।



ধর্ম পালনের অধিকার

এদেশের
মুসলিমান,
হিন্দু, বৌদ্ধ, খ্রিস্টান প্রত্যেকেরই
নিজ ধর্ম ও ধর্মীয় উৎসব পালনের
অধিকার আছে। কারো তাদের
উৎসব পালনে বাধা দেওয়ার
অধিকার নাই।



ভাষা ও সংস্কৃতির অধিকার

নিজ মাতৃভাষায় কথা
বলা নাগরিকের
মৌলিক অধিকার।
একইভাবে নিজ
নিজ সংস্কৃতি চর্চা করা ও উৎসব
পালন করাও এই অধিকারের অন্তর্ভুক্ত।



আমার এইসব অধিকার থাকার সাথে সাথে অন্যের সমান অধিকার খর্ব না করার দায়িত্ব
রয়েছে। নাগরিক হিসেবে অধিকার যেমন আছে তেমন দেশ ও সমাজের প্রতি অনেক
দায়িত্বও আছে। যেমন: দেশের প্রচলিত আইন মেনে চলার দায়িত্ব, দেশের স্বার্থবিবোধী কিছু

না করার দায়িত্ব, অন্যের অধিকার ক্ষুণ্ণ না করার দায়িত্ব। তবে সকলে আইন মানছে কি না, অর্পিত দায়িত্ব পালন করছে কি না, তা দেখা ও নিরাপত্তা দেওয়া সরকারের দায়িত্ব।

ক | এসো বলি

শিক্ষকের সহায়তায় শ্রেণিতে আলোচনা কর।

- নাগরিক অধিকার বলতে কী বোঝায়?
- নিজের দেশের প্রতি কীভাবে দায়িত্ব পালন করা যায়?
- দেশের সরকার কীভাবে প্রতিটি নাগরিকের নিরাপত্তা নিশ্চিত করবে?

খ | এসো লিখি

প্রতিটি সামাজিক অধিকারের উদাহরণ লেখ। প্রতিটি বাক্য ‘আমার অধিকার আছে.....’ দিয়ে শুরু কর। কাজটি একজন সহপাঠীকে সঙ্গে নিয়ে কর।

অধিকার	উদাহরণ
বেঁচে থাকা	আমার অধিকার আছে পর্যাপ্ত পরিমাণ খাদ্য খেয়ে বেঁচে থাকার।
শিক্ষা	আমার অধিকার আছে বিদ্যালয়ে যাওয়ার।

গ | আরও কিছু করি

প্রতিটি অধিকারের সাথে দায়িত্ব জড়িত আছে। অধিকারের সাথে সাথে কোন দায়িত্ব পালন করা প্রয়োজন তা লেখ। প্রতিটি বাক্য ‘আমার উচিত.....’ দিয়ে শুরু কর।

অধিকার	দায়িত্ব
বেঁচে থাকা	আমার উচিত যারা খাবার পায় না তাদের খাদ্য দিয়ে সাহায্য করা।
শিক্ষা	আমার উচিত নিয়মিত পড়ালেখা করা।

ঘ | যাচাই করি

সঠিক উত্তরের পাশে টিকচিহ্ন (✓) দাও :

নিচের কোনটি সামাজিক অধিকার?

- ক) বাঁচার অধিকার খ) ঘূমানোর অধিকার গ) ছুটি নেওয়ার অধিকার ঘ) অর্থের অধিকার

২ রাজনৈতিক অধিকার

ভোটদান ও বিভিন্ন কাজের মাধ্যমে রাষ্ট্র পরিচালনায় এবং শাসনকার্যে নাগরিকদের অংশগ্রহণ করার অধিকারকে রাজনৈতিক অধিকার বলে।

নিচে পাঁচটি রাজনৈতিক অধিকারের কথা উল্লেখ করা হলো। এই অধিকারগুলো রক্ষার মাধ্যমে আমরা একটি সুন্দর দেশ ও জাতি গড়তে পারি।

নির্বাচনের অধিকার		আঠারো বছর ও তার উপরের সকল নাগরিকের ভোট দেওয়ার অধিকার আছে। ২৫ বছর বয়সে সকল নাগরিকের নির্বাচনে অংশগ্রহণ করার অধিকার আছে।
মত প্রকাশের অধিকার		প্রত্যেক নাগরিকের বাড়িতে, বিদ্যালয়ে এবং সমাজে স্বাধীনভাবে নিজস্ব মত প্রকাশের অধিকার আছে।
আইনের চোখে সবার সমান অধিকার		জাতি, ধর্ম, বর্ণ, ধনী, দরিদ্র, নারী-পুরুষ ইত্যাদি নির্বিশেষে সকলের আইনের সমান আশ্রয় লাভের অধিকার আছে।
নিরাপত্তা লাভের অধিকার		বিদেশে অবস্থানকালে কোনো নাগরিক সমস্যায় পড়তে পারেন। এমন অবস্থায় তার নিজ রাষ্ট্রের সরকারের কাছে নিরাপত্তা দাবি করার অধিকার আছে।
ব্যক্তিগতিনীতা রক্ষার অধিকার		প্রত্যেক নাগরিকের স্বাধীনভাবে নিজের পচন্দ অনুযায়ী কিছু করার অধিকার আছে। তবে সে অধিকার যেন অন্যের কোনো ক্ষতির কারণ না হয়, সেদিকে খেয়াল রাখা প্রয়োজন।

১০ | ক | এসো বলি

শিক্ষকের সহায়তায় শ্রেণিতে আলোচনা কর যে, একটি দেশের নাগরিক কীভাবে রাষ্ট্র পরিচালনায় অংশগ্রহণ করে।

- নির্বাচন কী?
- নির্বাচন কখন হয়?
- কারা ভোট প্রদানে অংশগ্রহণ করতে পারেন?

১১ | খ | এসো লিখি

প্রতিটি রাজনৈতিক অধিকারের একটি করে উদাহরণ লেখ। ‘আমার পরিবার...’ দিয়ে বাক্যগুলো শুরু কর। কাজটি দুজনে মিলে কর।

অধিকার	উদাহরণ
নির্বাচনের অধিকার	আঠারো বছর বয়স হলে আমি ভোট দিতে পারব।
মতপ্রকাশের অধিকার	পরিবারের সদস্যরা স্বাধীনভাবে মতামত প্রকাশ করতে পারেন।

১২ | গ | আরও কিছু করি

চারজনের ছোট দলে নিচের ঘটনাটা অভিনয় করে দেখাও।

দুইজন শিক্ষার্থী অন্য দুইজন শিক্ষার্থীকে ভোট প্রদান করতে নিষেধ করবে।

দুইজন যুক্তি সহকারে তাদের নির্বাচনের অধিকারের কথা বলবে।

এই অভিনয় থেকে কী শিখলে?

১৩ | ঘ | যাচাই করি

বাক্যটি সম্পূর্ণ কর।

ভোট দেওয়ার অধিকার গুরুত্বপূর্ণ কারণ।



অর্থনৈতিক অধিকার

জীবনধারণের জন্য কোনো কাজ করে আয়-রোজগার করার অধিকারকে অর্থনৈতিক অধিকার বলে। সুস্থুভাবে জীবিকা নির্বাহের জন্য এ অধিকারগুলো প্রয়োজন। নিচে উল্লিখিত কয়েকটি গুরুত্বপূর্ণ অর্থনৈতিক অধিকার সম্পর্কে আমরা জানব।

আয়-রোজগার করার অধিকার

সকল নাগরিকের স্বাধীনভাবে চাকরি বা ব্যবসা বা অন্য কাজ করে আয় রোজগারের অধিকার আছে।



সম্পত্তির অধিকার

প্রত্যেক নাগরিকের সম্পত্তি আর্জন ও ভোগ করার অধিকার আছে।

ন্যায্য মজুরি লাভের অধিকার

যেকোনো কাজ করে সবার ন্যায্য মজুরি লাভের অধিকার আছে। ন্যায্য মজুরি তেমন হওয়া দরকার, যা দিয়ে মানুষ মর্যাদার সাথে বাঁচতে পারে।



অবকাশ ছুটি লাভের অধিকার

যে যেখানেই কাজ করুন, সবাই কর্মক্ষেত্রে অবকাশ বা ছুটিপাওয়ার অধিকার আছে। ছুটি না পেলে মানুষ অসুস্থ হয়ে যেতে পারে। অতিরিক্ত পরিশ্রম করলে কর্মতুষ্টি আসে না।



কিোন্তু কি এসো বলি

শিক্ষকের সহায়তায় শ্রেণিতে আলোচনা কর :

- কাজ করা প্রয়োজন কেন?
- ন্যায্য মজুরি বলতে কী বোঝায়?
- কাজের মাঝে অবকাশ ছুটি লাভের প্রয়োজনীয়তা কী?



কিোন্তু কি এসো লিখি

প্রতিটি অর্থনৈতিক অধিকারের একটি করে উদাহরণ লেখ। কাজটি একজন সহপাঠীকে সঙ্গে নিয়ে কর।

অধিকার	উদাহরণ
আয়-রোজগার করার অধিকার	কৃষক কৃষিকাজ করে আয় করেন অথবা
ন্যায্য মজুরি লাভের অধিকার	শ্রমজীবী মানুষ শ্রমের বিনিময়ে মজুরি লাভ করেন....



কিোন্তু গ | আরও কিছু করি

তোমার এলাকায় কোন কোন পেশাজীবী বাস করেন, তার একটি তালিকা তৈরি কর।
তাদের ছবি সংগ্রহ করে/এঁকে একটি পোস্টার বানাও।



কিোন্তু ঘ | যাচাই করি

নিচের কোনটি কোন অধিকার তা ছকের নির্ধারিত স্থানে লেখ।

শিক্ষা মজুরি ডেট বাসস্থান ভাষা অবকাশযাপন

সামাজিক অধিকার	রাজনৈতিক অধিকার	অর্থনৈতিক অধিকার

অধ্যায় ৫

মূল্যবোধ ও আচরণ

৩

ভালো হওয়া ও ভালো কাজ করা

পূর্বের অধ্যায়ে অধিকারগুলো সম্পর্কে আমরা জেনেছি। এই অধ্যায়ে মূল্যবোধ ও ভালো আচরণের জন্যে আমাদের নিজেদের দায়িত্ব ও কর্তব্যগুলো কী তা জানব।

আমরা জানি আমাদের সকলেরই পরম্পরারের প্রতি ভালো আচরণ করা এবং ভালো সম্পর্ক গড়ে তোলা উচিত। এ ভালো আচরণ করাই হলো নৈতিক গুণ। আমাদের সবারই নৈতিক গুণের অধিকারী হতে হবে।

মূল্যবোধ

মূল্যবোধ হলো আমাদের ভিতরের নৈতিক গুণাবলি। আমরা যে ধরনের আচরণ করে থাকি তা আমাদের নৈতিক গুণাবলি বা মূল্যবোধ দ্বারা পরিচালিত হয়। আমরা আমাদের পরিবার, সমাজ ও বিদ্যালয় থেকে মূল্যবোধের শিক্ষা পাই। নিচে এর কিছু উদাহরণ দেওয়া হলো :

মূল্যবোধ	ফলাফল
সততা	অন্যরা আমাদের বিশ্বাস করেন।
ন্যায়নিষ্ঠা	আমরা সকল বন্ধুর প্রতি ন্যায়সংজ্ঞাত আচরণ করি।
শৃঙ্খলা	আমরা সঠিক আচরণ করি ও নিয়ম মেনে চলি।
ন্মতা	অন্যরা আমাদের শ্রদ্ধা করেন।

আচরণ

ভালো আচরণের মাধ্যমে আমরা একটি সুষ্ঠু ও সুন্দর সমাজ গড়ে তুলতে পারি। এখানে কয়েকটি ভালো আচরণের উদাহরণ দেওয়া হলো :

- ছেটদের দেখাশোনা করা;
- মানুষের প্রতি শ্রদ্ধাশীল হওয়া;
- প্রতিবেশীদের সাথে ভালো ব্যবহার করা;
- কেউ বিপদে পড়লে তাকে সাহায্য করা;
- কারো প্রতি অন্যায় হলে তার প্রতিবাদ করা।



ভালো আচরণ

১০ ক | এসো বলি

পাঠে দেওয়া প্রতিটি মূল্যবোধ সম্পর্কে শিক্ষকের সহায়তায় শ্রেণিতে আলোচনা কর। এগুলো ছাড়াও আরও কিছু মূল্যবোধের উদাহরণ দাও। প্রতিটি মূল্যবোধ কোন কোন ভালো আচরণের মাধ্যমে প্রকাশিত হবে তার উদাহরণ দাও।

১১ খ | এসো লিখি

বাড়িতে কী কী ভালো কাজ করা যায় তার উদাহরণ লেখ। কাজটি একজন সহপাঠীকে সঙ্গে নিয়ে কর।

১২ গ | আরও কিছু করি

মাঝে মাঝে আমরা ভালো আচরণের পরিবর্তে খারাপ আচরণ করে ফেলি। ভালো এবং খারাপ আচরণের প্রভাব কেমন হতে পারে, তা নিয়ে ছোট দলে অভিনয় করে দেখাও।

ঘ | যাচাই করি

ভালো কাজগুলোর পাশে টিকচিহ্ন (✓) এবং করা উচিত নয়, এমন কাজগুলোর পাশে ত্রুসচিহ্ন (✗) দাও।

আমাদের বাড়িতে যারা কাজ করেন তাদের সাথে খারাপ ব্যবহার করা।

কোনো সহপাঠী পেনসিল আনতে ভুলে গেলে তাকে নিজের পেনসিল দিয়ে সাহায্য করা।

পরিবারের অন্যান্য সদস্যদের নানা কাজে সাহায্য করা।

অন্যদের মনে কষ্ট দেওয়া।

একজন অন্যকে রাস্তা পার হওয়ার সময় তাকে সাহায্য না করা।

নিজের কাজ নিজে করা।



একটি ঘটনা পড়ি

আমরা এই পাঠে আমাদের বয়সী রিপার জীবন সম্পর্কে জানব। প্রতিদিন রিপাকে বিভিন্ন কাজের বিষয়ে সিদ্ধান্ত নিতে হয়। নিচের ছকটি দেখ। সেখানে কাজের তালিকা দেওয়া আছে। তালিকাটি থেকে ভালো কাজের সিদ্ধান্তের পাশে টিকচিহ্ন (✓) এবং করা উচিত নয় এমন কাজের পাশে ক্রসচিহ্ন (✗) দাও।

সকালে রিপা ঘুম থেকে ওঠে।	সে দেরি করে ঘুমাতে যায়।
খাবার তৈরি করতে সাহায্য করে।	খাওয়ার পর খালা বাতি যেখানে সেখানে রেখে দেয়।
বিদ্যালয়ে সে দেরি করে উপস্থিত হয়।	রিপা বিদ্যালয়ে সঠিক সময়ে আসে।
তার বন্ধুদের এড়িয়ে চলে।	বন্ধুদের প্রতি সে সদয় থাকে।
শিক্ষকের প্রশ্নের সঠিক উত্তর দিতে চেষ্টা করে।	সহপাঠীদের নিয়ে হাসাহাসি করে।
না বলে সহপাঠীর কলম নেয়।	সে শ্রেণিকক্ষ পরিষ্কার রাখে।
শ্রেণিকক্ষ থেকে দৌড়ে বের হয়ে যায়।	ছুটির পর সহপাঠীদের জন্য অপেক্ষা করে।
প্রতিবেশীদের সাহায্য করে।	প্রতিবেশীদের সাথে খরাপ ঘ্যবহার করে।
সে বাড়িতে অনেক আওয়াজ করে।	দানুকে সময়মতো উষ্ণধ দেয়।
ভাইবোনদের পড়ালেখায় সাহায্য করে।	বাড়িতে সে অনেক রাত পর্যন্ত জেগে থাকে।



আমাদের সবার উচিত
ভালো কাজ করা



ক | এসো বলি

রিপার ভালো কাজের সিদ্ধান্তগুলো শিক্ষকের সহায়তায় প্রেগিতে একজন সহপাঠীর সঙ্গে আলোচনা কর।



খ | এসো লিখি

নিচের শব্দগুলো সঠিক স্থানে লেখ। কাজটি একজন সহপাঠীকে সঙ্গে নিয়ে কর।
মনে রেখ, মূল্যবোধ হলো বিশ্বাস এবং আচরণ হলো তার প্রকাশ বা কাজ।

সদয় আচরণ

বিবেচনা করা

অন্যদের সাহায্য করা

সময়নুর্বর্তিতা

সত্যবাদিতা

সবার সাথে ভাগ করে খাবার খাওয়া

মূল্যবোধ	ভালো আচরণ



গ | আরও কিছু করি

এসো লিখিতে দেওয়া তালিকাটি ছাড়া আরও কিছু মূল্যবোধ ও ভালো আচরণের তালিকা তৈরি কর।



ঘ | যাচাই করি

সঠিক উত্তরের পাশে টিকচিহ্ন (✓) দাও।

নিচের কোনটি মূল্যবোধের উদাহরণ?

- ক. বিপদে সাহায্য করা
- খ. সবার সাথে মিলেমিশে থাকা
- গ. সবাইকে অনুষ্ঠানে দাওয়াত দেওয়া
- ঘ. সত্যবাদিতা

অধ্যায় ৬

পরমতসহিষ্ণুতা

৩ অধিকাংশের মত গ্রহণ

মিতু ও রাতুলের কথা শুনি :

আমরা নিজেদের মত প্রকাশ করব।
আমরা অন্যের মত শুনব।
সবার মতামতকে সন্দৰ্ধা করব।



আমরা
অধিকাংশের
মতামত গ্রহণ
করব।

অন্যের মতকে সম্মান করাকে বলে পরমতসহিষ্ণুতা। পরমতসহিষ্ণুতা একটি প্রধান সামাজিক গুণ। তাই সবার মতামত ধৈর্য সহকারে শোনা উচিত। সবার মতামতের গুরুত্ব আছে। আমাদের সবাইকে পরমতসহিষ্ণু হতে হবে। যেকোনো বিষয়ে বিভিন্নজনের বিভিন্ন মত থাকতে পারে। তবে অধিকাংশ মানুষ যে মতটি সঠিক মনে করেন তা স্ফুতিকর না হলে সেটিই গ্রহণ করা উচিত। আমাদের উচিত অধিকাংশের মতামতকে প্রাধান্য দেওয়া। তবে গণতন্ত্রে ভিন্নমত ধারণ ও প্রকাশ করার সুযোগ থাকতে হবে। অন্যের অধিকার খর্ব করা যাবে না। পক্ষান্তরে ভিন্নমত যাদের রয়েছে, তাদের নিরাপত্তা ও সহাবস্থান নিশ্চিত করতে হবে। পিছিয়ে পড়া জনগোষ্ঠীকে আলাদা করে বিশেষ সুবিধা দেওয়া যেতে পারে। এই প্রক্রিয়ার তিনটি ধাপ আছে।

বাড়ি

মত প্রকাশ → শোনা → সিদ্ধান্ত নেওয়া

বাড়িতে কে কোন কাজ করবে সে বিষয়ে মতামত প্রকাশ, শোনা ও সিদ্ধান্ত নেওয়ার প্রয়োজন হতে পারে। যেমন, বিভিন্ন অনুষ্ঠান আয়োজন, কী রান্না করা হবে ইত্যাদি।

বিদ্যালয়

বিদ্যালয়ে যে পরিস্থিতিতে মতামত প্রকাশ, শোনা ও সিদ্ধান্ত নেওয়ার প্রয়োজন হতে পারে তা হলো:

- মাঠে কোন খেলাটি খেলা হবে;
- শ্রেণিতে কে কোথায় বসব;
- কোন বিষয়টি পড়ব;
- কোন গল্পটি শুনব;
- কে হবে ক্লাস প্রতিনিধি।

ক | এসো বলি

‘বিদ্যালয়ে’ যে তিনটি পরিস্থিতি সম্পর্কে বলা হয়েছে, শিক্ষকের সহায়তায় সেগুলো থেকে যেকোনো একটি পরিস্থিতি বাছাই কর ও ঘটামত দাও।

- মত প্রকাশ করা
 - পরম্পরারের মতামত শুন্ধার সাথে শোনা
 - অধিকাংশের মতামতের ভিত্তিতে চড়ান্ত সিদ্ধান্ত নেওয়া

১ | এসো লিখি

বাড়িতে কে কোন কাজ করবে সে সম্পর্কে সিদ্ধান্ত নেওয়ার একটি পরিকল্পনা কর। নিচে
সিদ্ধান্ত নেওয়ার ধপগলো লেখ।

মতামত প্রকাশ
শোনা
সিদ্ধান্ত নেওয়া

গ | আরও কিছু করি

এমন একটি পরিস্থিতির কথা ভাব যেখানে প্রত্যেকেরই আলাদা আলাদা মত আছে। নিজের মত প্রকাশ কর এবং অন্যদের মতামত বৈর সহকারে শোন। এরপর অধিকাংশের মতের ভিত্তিতে একটি শিন্ধুস্ত গ্রহণ কর। সম্পূর্ণ বিষয়টি ছোট দলে অভিনয় করে দেখাও।

ষ যাচাই করি

সঠিক উত্তরের পাশে টিকচিহ্ন (✓) দাও।

অন্যেরা যখন মত প্রকাশ করে তখন আমাদের কী করা উচিত?

- ক) কথা বলা
গ) বৈর্য সহকারে শোনা
খ) জোরে আওয়াজ করা
ঘ) নিজের খুশিমতো কাজ করা

একটি ঘটনা

নিচের ঘটনাটি পড়ি :

বার্ষিক প্রীক্ষা শেষে শ্রেণির শিক্ষার্থীরা শিক্ষা সফরে নিয়ে যাওয়ার জন্য শিক্ষককে অনুরোধ করল। শিক্ষক জানতে চাইলেন তারা শিক্ষা সফরে কোথায় যেতে চায়। কেউ বলল চিড়িয়াখানায় যাবে। কেউ যেতে চাইল শিশুপার্কে। অন্যরা বিভিন্ন জায়গায় যেতে চাইল। কেউ কারও কথা ভালো করে শুনল না। সবাই নিজ নিজ পছন্দের জায়গায় যাওয়ার জন্য হট্টগোল করতে থাকল। তাদের মধ্যে মতবিরোধ দেখা দিলো। ফলে তাদের আর শিক্ষা সফরে যাওয়া হলো না।

নিচের প্রশ্নগুলো নিয়ে ভাব :

১. শিক্ষার্থীরা কেন শিক্ষা সফরে যেতে পারল না?
২. তারা কি পরস্পরের মতামত শৃঙ্খলা সহকারে শুনেছিল?
৩. শিক্ষার্থীদের আচরণ কিরূপ হওয়া উচিত ছিল?
৪. অন্যের মতামতের প্রতি শৃঙ্খলা না থাকলে কী ধরনের সমস্যার সৃষ্টি হতে পারে?



শ্রেণিকক্ষে গঠতাত্ত্বিক আচরণ চর্চা করা প্রয়োজন



ক | এসো বলি

পাশের পৃষ্ঠায় দেওয়া প্রশ্নগুলোর উত্তর শিক্ষকের সহায়তায় আলোচনা কর।



খ | এসো লিখি

গণতান্ত্রিক সিদ্ধান্ত গ্রহণের তিনটি ধাপ অনুযায়ী শিক্ষার্থীদের আচরণ কেমন হওয়া উচিত ছিল কাজটি একজন সহপাঠীর সঙ্গে আলোচনা কর ও লেখ।

মতামত প্রকাশ	
শোনা	
সিদ্ধান্ত নেওয়া	



গ | আরও কিছু করি

তোমাদের সবার আগ্রহ আছে এমন একটি বিষয় নিয়ে শ্রেণিতে বিতর্কের আয়োজন কর। বিতর্কে দুই পক্ষের মতামত সঠিকভাবে ব্যক্ত করার জন্য একজন করে বক্তা ঠিক কর। অন্যরা দুইজন বক্তার কথা শুনবে ও নিজেদের মতামত প্রকাশ করবে। সবশেষে যার বক্তব্য পছন্দ হবে তাকে ভোট দেবে। এর মাধ্যমে অধিকাংশের মতামতের উপর ভিত্তি করে সিদ্ধান্ত গ্রহণ করা যাবে।



ঘ | যাচাই করি

সঠিক উত্তরের পাশে টিকচিহ্ন (✓) দাও।

পরমতসহিষ্ণুতা কী?

- ক. সবার মতামত গ্রহণ করা
- খ. শুধু নিজের মত প্রকাশ করা
- গ. নিজের মত অনুযায়ী কাজ করা
- ঘ. অন্যের কথা না শোনা

অধ্যায় ৭

কাজের মর্যাদা

৪

শ্রমজীবী

সমাজের নানা প্রয়োজনে বিভিন্ন ধরনের পেশার মানুষ রয়েছে। পেশা হলো সেই কাজ, যা থেকে মানুষ উৎপাদন বা আয় করে থাকে। কেউ মাস বা দিন শেষে বেতন/মজুরি পায়। আবার কেউ উৎপন্ন দ্রব্য জীবিকার জন্য ব্যবহার করে। যেমন তাংতি। অত্যেক পেশার মানুষ শ্রমের বিনিময়ে মূল্য পেয়ে থাকেন। এই শ্রমজীবীগণ আমাদের দৈনন্দিন জীবনযাপনে সাহায্য করেন। তাই সব ধরনের পেশাকে আমাদের মর্যাদা দিতে হবে। এই অধ্যায়ের শুরুতে আমরা বিভিন্ন শ্রমজীবীর পেশা সম্পর্কে জানব।



কারখানার শ্রমিক

পাশের ছবিতে একটি কারখানায় পোশাক শ্রমিকদের দেখা যাচ্ছে। তারা দীর্ঘ সময় কাজ করে রপ্তানির জন্য পোশাক তৈরি করেন। এটি আমাদের একটি অন্যতম গুরুত্বপূর্ণ শিল্প। এই পেশায় প্রচুর নারীরা যুক্ত থাকেন।

পরিচ্ছন্নতাকারী

পরিচ্ছন্নতা কর্মীগণ বিদ্যালয়, অফিস, হাসপাতাল ও রাষ্ট্রাধার পরিষ্কার করে পরিবেশ পরিচ্ছন্ন ও নিরাপদ রাখেন। এ পেশাতেও অনেক নারী শ্রমিকদের দেখা যায়।



পরিবহন শ্রমিক

এক স্থান থেকে অন্য স্থানে চলাচলের জন্য এবং মালামাল আনা-নেওয়ার জন্য আমরা যানবাহন ব্যবহার করি। যেমন: নৌকা, রিকশা, বাস, রেলগাড়ি, ট্রাক ও ট্যাক্সি। এ সকল যানবাহনের জন্য চালকের প্রয়োজন। এই পেশায় নারীদের কম দেখা যায়।

এছাড়া আরো নানা রকম শ্রমিক আছেন। যেমন: নির্মাণ শ্রমিক, গৃহ শ্রমিক, চা-শ্রমিক, খেতমজুর প্রভৃতি।





কাজের মর্মান্তি

তোমার এলাকায় কর্মরত শ্রমিকদের নিয়ে শিক্ষকের সহায়তায় শ্রেণিতে আলোচনা কর।

- তারা কী ধরনের কাজ করছেন : বহন, নির্মাণ বা অন্য কিছু?
- কোন কোন কাজে পুরুষের সাথে নারীরাও অংশগ্রহণ করেন?
- এই পেশাগুলো আমাদের জন্য কেন প্রয়োজন?



কাজের মর্মান্তি

নিচের ছকের পেশাগুলো সম্পর্কে আলোচনা কর। তারা কোথায় এবং কী কাজ করেন তা লেখ। এ ধরনের আরও একটি পেশা সম্পর্কে লেখ। কাজটি একজন সহপাঠীর সঙ্গে কর।

পেশা	কাজের স্থান	কাজের ফলাফল
কারখানা শ্রমিক		
পরিচ্ছন্নতাকারী		
পরিবহন শ্রমিক		



কাজের মর্মান্তি

কয়েকটি দলে ভাগ হয়ে যাও। প্রতিটি দল চিন্তা করে বের কর, কোন পেশায় কাজ করা সবচেয়ে কঠিন। এরপর তা শ্রেণিতে উপস্থাপন কর। কোন দলটি সবচেয়ে ভালো উপস্থাপন করেছে, সকলে মিলে তা নির্বাচন কর।



কাজের মর্মান্তি

বাক্যটি সম্পূর্ণ কর :

আমাদের শ্রমিকদের সম্মান করা উচিত কারণ.....।



চাকরিজীবী

এ ধরনের পেশার সাথে যারা জড়িত তারা সাধারণত অফিসে কাজ করেন। তারা আমাদেরকে প্রশাসনিক অথবা সেবামূলক কাজে সহায়তা করেন। যেমন তথ্য ও ব্যবস্থাপনা কর্মী, বিক্রয় কর্মী, ডাক্তার, প্রকৌশলী এমন পেশাজীবী।



সেবামূলক কর্মী

সাধারণত অফিসে বিভিন্ন ধরনের কাজ হয়। মানুষের বিভিন্ন প্রয়োজনে তথ্য সরবরাহ, সাহায্য করা, অফিসের নানা কাজে কম্পিউটার ও ইন্টারনেট ব্যবহার করা, হিসাব রাখা ইত্যাদি কাজ করে থাকেন।

ব্যবসায় ও বিক্রয় ব্যবস্থাপনা

ব্যবসায় ও বিক্রয় ব্যবস্থাপনার অন্যতম কাজ হচ্ছে পণ্য ক্রয়-বিক্রয় করা। স্থানীয়ভাবে দোকানে ও মার্কেটে পণ্য দ্রব্য ক্রয়-বিক্রয় করা হয়।

বড় ব্যবসায়ীরা বিদেশ থেকে পণ্য আমদানি করেন এবং বিদেশে পণ্য রপ্তানি করেন। আজকাল অনলাইনেও বিক্রয় ব্যবস্থাপনা করা হয়।



অন্যান্য পেশাজীবী

আমাদের সমাজে এ ছাড়াও আরও অনেক গুরুত্বপূর্ণ পেশা আছে। যার বিশেষ দক্ষতা থাকা লাগে এবং বিশেষ পরীক্ষার মাধ্যমে দক্ষার প্রমাণ দিতে হয়। যেমন শিক্ষক আমাদের শিক্ষাদান করেন। প্রকৌশলী দালান, সড়ক ও সেতু তৈরি করেন। ফার্মসিস্ট আমাদের সুস্থ রাখতে ঔষধ তৈরি করেন। ডাক্তার আমাদের চিকিৎসা সেবা দান করেন। আইনজীবী আইনি সহায়তা দিয়ে থাকেন ইত্যাদি। এছাড়াও সরকারি চাকুরিজীবীরাও আছেন। কোনো ব্যক্তি এক বিশেষ দক্ষতা অর্জন না করলে এ পেশায় আসতে পারেন না।





ক | এসো বলি

কী কী পেশাগত কাজ সম্পর্কে তুমি জান তা শিখকের সাথে আলোচনা কর।

- এসব পেশার মানুষ কাজের সময় কি বিশেষ কোনো পোশাক পরেন?
- তারা কি কম্পিউটারে কাজ করেন?
- কোনগুলি বিশেষায়িত পেশা?



খ | এসো লিখি

নিচের দেওরা প্রতিষ্ঠানগুলোতে কোন কোন পেশাজীবী কাজ করেন তা লেখ।

কাজটি একজন সহপাঠীকে সঙ্গে নিয়ে কর।

বিদ্যালয়	হাসপাতাল	অফিস



গ | আরও কিছু করি

তুমি বড় হয়ে কোন পেশা বেছে নিতে চাও?

তোমার বাছাই করা পেশায় কাজ করতে কী কী যোগ্যতা লাগবে?

তোমার বাছাই করা পেশায় তুমি কোথায় কাজ করবে?



ঘ | যাচাই করি

কর্মস্থলের সাথে বিভিন্ন পেশার মিল কর।

ডাক্তার	দোকান
বিক্রেতা	বিদ্যালয়
ব্যবস্থাপক	গবেষণাগার
শিক্ষক	হাসপাতাল
বিজ্ঞানী	অফিস

৩ আইন-শৃঙ্খলা রক্ষায় নিয়োজিত পেশা

সমাজের শান্তি-শৃঙ্খলা বজায় রাখতে প্রত্যেক নাগরিককে আইন মেনে চলতে হয়। কেউ আইন অমান্য করে অপরাধমূলক কাজ করলে বিচারের সম্মুখীন হতে হয়। আইন রক্ষণ সাথে জড়িত বিভিন্ন পেশা সম্বন্ধে এখানে আলোচনা করা হলো।



পুলিশ

দেশের আইন-শৃঙ্খলা রক্ষায় পুলিশ বাহিনী কাজ করেন। অভিযুক্তকে ধরে বিচারের সম্মুখীন করা তাদের প্রধান দায়িত্ব। ট্রফিক পুলিশ শহরে সুষ্ঠুভাবে যানবাহন চলাচলে গুরুত্বপূর্ণ ভূমিকা পালন করেন। নিরাপদ চলাচলে তারা মানুষকে সাহায্য করেন। পুলিশের মূল কাজ শৃঙ্খলা বজায় রাখা। এ কাজে সতত অত্যন্ত জৰুরি।

পুলিশ

আইনজীবী

বিচার কাজে আইনজীবীরা গুরুত্বপূর্ণ ভূমিকা রাখেন। তারা জনগণকে আইনি সহায়তা প্রদান করেন। বিচারের সম্মুখীন অভিযুক্ত ব্যক্তিদের পক্ষে-বিপক্ষে আদালতে মামলা পরিচালনা করেন। আইনের ব্যাখ্যা দিয়ে তারা আদালতকে সাহায্য করেন।

বিচারক

যারা আইন অমান্য করেন, অপরাধমূলক কাজ করেন এবং সমাজের শান্তি-শৃঙ্খলা বিনষ্ট করেন, পুলিশ তাদের ধরে বিচারের সম্মুখীন করেন। বিচারক বাদী এবং বিবাদী, উভয় পক্ষের কথা শোনেন। তারা দোষীদের শনাক্ত করেন এবং আইন অনুযায়ী শান্তি প্রদান করেন।



আদালত

১০ ক | এসো বলি

পুলিশ সম্পর্কে নিচের প্রশ্নগুলো শিক্ষকের সহায়তায় শ্রেণিতে আলোচনা কর ।

- তারা কী ধরনের পোশাক পরেন?
- তারা কী ধরনের কাজ করেন?

১১ খ | এসো লিখি

কেউ যদি চুরি করতে গিয়ে ধরা পড়েন তবে পুলিশ, আইনজীবী ও বিচারকের ভূমিকা কী হবে? নিচের ছকে লেখ ।

পুলিশ	
আইনজীবী	
বিচারক	

১২ গ | আরও কিছু করি

‘এসো লিখি’-তে উল্লিখিত ঘটনাটি অভিনয় কর । একজন আসামি, একজন আসামি পক্ষের আইনজীবী, একজন আসামির বিপক্ষের আইনজীবী এবং একজন বিচারকের ভূমিকায় অভিনয় কর ।

১৩ ঘ | যাচাই করি

বাক্যটি সম্পূর্ণ কর :

আইন পেশায় আমাদের এমন মানুষ দরকার যেন ।

অধ্যায় ৮

সামাজিক প্রতিষ্ঠান এবং রাষ্ট্রীয় সম্পদ

৪

সামাজিক প্রতিষ্ঠান

জীবনযাপনের জন্য যা কিছু আমাদের প্রয়োজন মেটায় সেসবই হচ্ছে সম্পদ। মানুষের জীবনযাপনের মান উন্নয়নের জন্য বিভিন্ন ধরনের স্থানীয় সুযোগ-সুবিধাকে সামাজিক সম্পদ বলা হয়। এই সুবিধাগুলো সরকারি বা বেসরকারিভাবে পাওয়া যায়।

বিদ্যালয়/শিক্ষাপ্রতিষ্ঠান

প্রত্যেক শিশুরই শিক্ষার অধিকার আছে। শিক্ষালাভ করা সামাজিক অধিকার। পড়ালেখা শিখে যাতে জীবনযাপনের মান উন্নয়ন করতে পারে, এ জন্য প্রতিটি এলাকায় বিদ্যালয় আছে। গ্রামে ও শহরে বিদ্যালয় গড়ে তোলা হচ্ছে, যেন সব শিশু পড়ালেখা শেখার সুযোগ পায়।

হাসপাতাল/স্বাস্থ্য সেবা প্রতিষ্ঠান

হাসপাতাল হলো আরেকটি সামাজিক সম্পদ যেখানে স্বাস্থ্যসেবা প্রদান করা হয়। এখানে ডাক্তার ও নার্স রোগীদের সুস্থ হয়ে উঠতে চিকিৎসা দেন ও সেবা-যত্ন করেন।

ধর্মীয় প্রতিষ্ঠান

সমাজে বিভিন্ন ধর্মের মানুষের জন্য রয়েছে ধর্মীয় প্রতিষ্ঠান। মুসলমানদের মসজিদ, হিন্দুদের মন্দির, বৌদ্ধদের প্যাগোড়া এবং খ্রিস্টানদের জন্য আছে গির্জা।

পার্ক ও খেলার মাঠ

গ্রাম ও শহরের অনেক এলাকায় খেলার মাঠ আছে, যেখানে শিশুরা খেলাধুলা করে। অনেক এলাকায় পার্ক আছে, যেখানে পরিবারের সকলে ঘূরে আনন্দ লাভ করেন।



এসব সামাজিক প্রতিষ্ঠান আমাদের এলাকার সামাজিক পরিবেশের মানকে উন্নত করে। সামাজিক সম্পদের রক্ষণাবেক্ষণ করা আমাদের সকলেরই দায়িত্ব।

১০ ক | এসো বলি

তোমার এলাকায় কী কী সামাজিক সম্পদ আছে তা শিক্ষকের সহায়তায় শ্রেণিতে আলোচনা কর।

- তোমার এলাকায় কোন কোন শিক্ষাপ্রতিষ্ঠান আছে?
- আশপাশে কি কোনো হাসপাতাল আছে?
- কোন কোন ধর্মীয় প্রতিষ্ঠান আছে?
- কোনো পার্ক ও খেলার মাঠ আছে কি?
- এছাড়া আর কী কী সামাজিক সম্পদ আছে?

১১ খ | এসো লিখি

বিভিন্ন ধরনের সামাজিক সম্পদ তোমার এলাকায় কী সুবিধা দিচ্ছে তা লেখ। কাজটি একজন সহপাঠীকে সঙ্গে নিয়ে কর।

সামাজিক সম্পদ	বিভিন্ন সুবিধা
বিদ্যালয়	
হাসপাতাল	
ধর্মীয় প্রতিষ্ঠান	
খেলার মাঠ	

১২ গ | আরও কিছু করি

তোমার এলাকার বিভিন্ন সামাজিক সম্পদের ছবি আঁক এবং সেগুলোর নাম লেখ।

তোমার আঁকা ছবিগুলোর মধ্যে থেকে যেকোনো একটি সামাজিক সম্পদ তোমার এলাকার মানুষদের কীভাবে সাহায্য করছে তা লেখ।

১৩ ঘ | যাচাই করি

আমাদের সামাজিক সম্পদের রক্ষণাবেক্ষণ করা উচিত কারণ.....

.....।

২ রাষ্ট্রীয় সম্পদ

আরেক ধরনের সম্পদ আছে, যা সরকার আমাদের ব্যবহারের জন্য তৈরি করে। এগুলোকে রাষ্ট্রীয় সম্পদ বলা হয়। আমরা সরকারকে যে কর দিই তা দিয়ে রাষ্ট্র এই সম্পদগুলো তৈরি ও রক্ষণাবেক্ষণ করে। আবার আমাদের প্রাকৃতিক সম্পদগুলোও রাষ্ট্রীয় সম্পদ হিসেবে বিবেচিত হবে।

সড়ক

সরকার আমাদের চলাচলের সুবিধার জন্য সড়ক বা রাস্তা তৈরি করে এবং প্রয়োজনে এগুলো মেরামত করে। আমাদের শহরগুলোতে আছে বড় পাকা রাস্তা এবং গ্রামগুলোতে আছে কাঁচা ও পাকা রাস্তা। আমরা একস্থান থেকে অন্যস্থানে যাতায়াত এবং মালামাল আনা-নেওয়ার কাজে সড়ক ব্যবহার করি। এছাড়া সড়ক পথে রাষ্ট্রীয় ব্যবস্থাপনায় যে যানবাহনগুলো চলে তা আমরা সকলেই ব্যবহার করতে পারি।

রেলপথ

সড়কপথের মতোই আমাদের দেশে রয়েছে দীর্ঘ রেলপথ। অসংখ্য মানুষ রেলগাড়িতে চলাচল করেন। রেলগাড়িতে সহজে অনেক মালামাল আনা-নেওয়া করা যায়।

সেতু

আমাদের দেশে বড় বড় নদী আছে, তাই আমাদের অনেক সেতু দরকার। গ্রামে আছে ছোট ছোট বাঁশের তৈরি সাঁকো। অনেক নদীর উপর সড়ক ও রেলপথের জন্য দীর্ঘ সেতু আছে। আমাদের কয়েকটি দীর্ঘ সেতু হলো পদ্মা সেতু, বঙ্গবন্ধু সেতু, চীনমেট্রী সেতু ও লালন শাহ সেতু। সেতু গুলোর কারণে মানুষের যাতায়াতের অনেক সুবিধা হয়েছে।



১১ ক | এসো বলি

সরকার আমাদের কী ধরনের সুবিধা দিয়ে থাকে তা শেণিতে শিক্ষকের সহায়তায় আলোচনা কর।

- তোমার বাড়ির কাছে সবচেয়ে বড় সড়ক কোনটি?
- তোমার বাড়ির সবচেয়ে কাছের রেলস্টেশন কোনটি?
- তোমার বাড়ির কাছে বড় সেতু কোনটি?
- বাস ও রেলের সাথে কোন কোন পেশা জড়িত?
- তোমরা কী সড়ক, রেলপথ, সেতু মেরামত বা তৈরি করতে দেখেছ?

১২ খ | এসো লিখি

নিচের ছকে দেওয়া প্রত্যেক ধরনের পরিবহন ব্যবস্থার সাথে সম্পর্কিত কাজগুলো লেখ।

	বিভিন্ন ধরনের কাজ
সড়ক	সড়া মেরামত ব্যব্হা,
রেল	
জলপথ	
আকাশপথ	উড়োজ্বাহাজের টিফেট বিহি ব্যব্হা,

১৩ গ | আরও কিছু করি

উপরে দেওয়া যেকোনো ধরনের পরিবহন ব্যবহার করে একটি ভ্রমণের অভিজ্ঞতা বর্ণনা কর।

১৪ ঘ | যাচাই করি

রাষ্ট্রীয় সম্পদের সাথে বিভিন্ন পেশার মিল কর।

সড়ক	পাইলট
বিমান	চালক
সেতু	প্রকৌশলী



৩ রাষ্ট্রীয় সম্পদ : প্রাকৃতিক

প্রাকৃতিক পরিবেশ থেকে আমরা যা কিছু পাই, তা-ই প্রাকৃতিক সম্পদ। এই সম্পদগুলো আমাদের জীবনকে অনেক সহজ করে দেয়।

পানি

আমরা বৃক্ষ, নদনদী, ঝরনা ইত্যাদি থেকে বিশুদ্ধ পানি পাই। পান করা, রান্না করা এবং পরিষ্কার করার কাজে আমরা বাড়িতে পানি ব্যবহার করি। কৃষকেরা চাষাবাদের কাজে পানি ব্যবহার করেন। আমরা জলপথে যাতায়াত করি এবং নদী বা সমুদ্রপথে মালামাল পরিবহন করতে পারি। শহরে পাইপ লাইনের মাধ্যমে বাসায়, অফিস-আদালতে এবং কারখানায় বিশুদ্ধ পানি সরবরাহ করা হয়। এছাড়া বড় বড় শিল্পকারখানায়ও পানির প্রয়োজন হয়। এভাবে নানা কাজে আমাদের পানির প্রয়োজন হয়। তবে পানির অতিরিক্ত ব্যবহার প্রাকৃতিক এ সম্পদকে চাপে ফেলে।

বন

বন হলো আরেকটি প্রাকৃতিক সম্পদ। বনে অনেক ধরনের গাছ জন্মে। বনের গাছ থেকে আমরা ঘরবাড়ি ও আসবাবপত্র নির্মাণের জন্য কাঠ এবং খাওয়ার জন্য ফল পাই। বন বিভিন্ন প্রাণীকে নিরাপদ আবাস দেয়। উন্নয়নের নামে বন উজাড় করা অত্যন্ত ক্ষতিকর।

প্রাকৃতিক গ্যাস

প্রাকৃতিক গ্যাস একটি প্রাকৃতিক সম্পদ, যা মাটির নিচ থেকে উত্তোলন করা হয়। বিদ্যুৎ উৎপাদন, রান্না এবং পরিবহনের কাজে আমরা প্রাকৃতিক গ্যাস ব্যবহার করি। অনেক ঘানবাহন প্রাকৃতিক গ্যাস দিয়ে চলে। শিল্পকারখানায়ও প্রাকৃতিক গ্যাস ব্যবহার করা হয়।

বিদ্যুৎ

বিভিন্ন প্রাকৃতিক সম্পদ দ্বেমন বাতাস, সূর্যের আলো, গ্যাস, তেল, পানি ইত্যাদি দ্বারা বিদ্যুৎ উৎপাদিত হয়। বিভিন্ন বৈদ্যুতিক কেন্দ্র থেকেও বিদ্যুৎ উৎপাদন করা হয়। আলো জ্বালাতে, রান্নায়, কম্পিউটার ও টেলিভিশন চালাতে এবং শিল্প উৎপাদনে আমরা বিদ্যুৎ ব্যবহার করি।



বাংলাদেশের একটি বিদ্যুৎ উৎপাদন কেন্দ্র

তবে প্রাকৃতিক সম্পদ অনিঃশেষযোগ্য নয়। কাজেই এর ব্যবহার টেকসই ও যথাযথ পরিবেশবান্ধব হতে হবে।



ক | এসো বলি

শিক্ষকের সহায়তায় আলোচনা কর।

- আমরা প্রাকৃতিক সম্পদ কোথা থেকে পাই?
- এই পাঠে দেওয়া সম্পদগুলোকে কেন রাষ্ট্রীয় সম্পদ বলা হয়?
- বিভিন্ন কাজ করতে এগুলো কীভাবে আমাদের সাহায্য করে?
- আমরা কীভাবে প্রাকৃতিক সম্পদের সঠিক ব্যবহার করতে পারি?
- প্রাকৃতিক সম্পদ শেষ হয়ে গেলে কী হবে?



খ | এসো লিখি

নিচের ছকে প্রত্যেকটি প্রাকৃতিক সম্পদের বিভিন্ন ব্যবহার লেখ। কাজটি একজন সহপাঠীর সঙ্গে কর।

প্রাকৃতিক সম্পদ	বিভিন্ন ব্যবহার
পানি	
বন	
প্রাকৃতিক গ্যাস	
বিদ্যুৎ	



গ | আরও কিছু করি

আমরা কীভাবে প্রাকৃতিক সম্পদ সংরক্ষণ করতে পারি? বাড়িতে কীভাবে পানি, জ্বালানি এবং বিদ্যুতের ব্যবহার কমানো যায়, তার একটি তালিকা তৈরি কর।



ঘ | যাচাই করি

বাম পাশের প্রাকৃতিক সম্পদের সাথে এগুলোর ব্যবহারের মিল কর।

প্রাকৃতিক গ্যাস	কাপড় পরিষ্কার করা
পানি	পাল তোলা নৌকা
বাতাস	রেডিও/বেতার
বিদ্যুৎ	আসবাবপত্র তৈরি
বন	সিএনজি চালিত যান

এলাকার উন্নয়ন

৩

গ্রামাঞ্চল

আমাদের মধ্যে কেউ গ্রামে আবার কেউ শহরে বাস করেন। গ্রামাঞ্চলে যারা বাস করেন, তাদের সামাজিক পরিবেশের উন্নয়নের জন্য নিম্নোক্ত সুযোগ-সুবিধা প্রয়োজন।

- শিক্ষাপ্রতিষ্ঠান
- স্বাস্থ্য সেবার ব্যবস্থা
- ঘাটাঘাতের জন্য রাঙ্গাঘাট, সেতু, বাঁশের সাঁকো অথবা কালভার্ট
- নিরাপদ খাবার পানির জন্য নলকূপ
- প্রতিটি বাড়িতে স্বাস্থ্যসম্মত পায়খানা
- ময়লা ফেলার জন্য নির্দিষ্ট জায়গা
- জলাবন্ধন মুক্ত রাখার জন্য নালা এবং খাল
- পুরুর
- ফসলের ক্ষেত্রে পানিসেচের ব্যবস্থা
- বিদ্যুৎ সুবিধা
- ধর্মীয় প্রতিষ্ঠান
- সাংস্কৃতিক প্রতিষ্ঠান
- হাটবাজার
- খেলার মাঠ



যদি এই সুবিধাগুলো পর্যাপ্ত না হয়, তাহলে স্থানীয় জনগণের উচিত তা ইউনিয়ন পরিষদের চেয়ারম্যান এবং ওয়ার্ড মেম্বারকে জানানো। তারপর সকলে মিলে স্থানীয় পর্যায়ে গ্রামীণ সুবিধাগুলোর উন্নয়নে কাজ করতে পারি। যেমন— বাঁশের সাঁকো নির্মাণ, খাবার পানি বিশুদ্ধকরণ, খেলার মাঠ তৈরি ইত্যাদি। তবে উন্নয়নের সময় পরিবেশের প্রতি খেয়াল রাখা দরকার।

১৮ ক | এসো বলি

মনে কর, তোমরা সবাই মিলে একটি নতুন গ্রাম গড়তে যাচ্ছ। পাঠে উল্লিখিত সুযোগ-সুবিধার মধ্যে কোনগুলো সবচেয়ে প্রয়োজন? গুরুত্বের ভিত্তিতে একটি তালিকা তৈরি কর। কাজটি শিক্ষকের সহায়তায় সকলে মিলে কর।

১৯ খ | এসো লিখি

তোমাদের এলাকায় যে সকল উন্নয়ন করতে হবে, সেগুলোর একটি তালিকা তৈরি কর। যেটি সবচেয়ে গুরুত্বপূর্ণ তা আগে লেখ। কাজটি একজন সহপাঠীকে সঙ্গে নিয়ে কর।

২০ গ | আরও কিছু করি

‘এসো লিখি’তে যে তালিকাটি তৈরি করেছ তার মধ্য থেকে –

- কোনগুলো নতুন নির্মাণ কাজ?
- কোনগুলো মেরামতের কাজ?
- কোন কাজগুলো অনেক ব্যয়সাপেক্ষ?
- এই কাজগুলো করতে কী ধরনের উপকরণ প্রয়োজন হবে?
- কোন কাজগুলো স্থানীয় জনগণ মিলে করতে পারেন? কীভাবে?

ঘ | ঘাচাই করি

সঠিক উত্তরের পাশে টিকচিহ্ন (✓) দাও।

গ্রামাঞ্চলে নিরাপদ পানির জন্য কোনটির প্রয়োজন সবচেয়ে বেশি?

ক. পুরুর

খ. নদী

গ. নালা

ঘ. নলকূপ

শহরাঞ্চল

যারা শহরাঞ্চলে বাস করেন, তাদের সামাজিক পরিবেশ উন্নয়নের জন্য নিম্নোক্ত সুযোগ-সুবিধা প্রয়োজন।

- শিক্ষাপ্রতিষ্ঠান
- হাসপাতাল
- চলাচলের জন্য প্রশস্ত রাস্তা
- ময়লা নিষ্কাশনের জন্য নালা বা ড্রেন
- ময়লা-আবর্জনা ফেলার জন্য ডাস্টবিন
- নিরাপদ খাবার পানির ব্যবস্থা
- বিদ্যুৎ সুবিধা
- গ্যাস ব্যবস্থা
- রাস্তার বাতি
- ধর্মীয় প্রতিষ্ঠান
- সাংস্কৃতিক প্রতিষ্ঠান
- বাজার
- পার্ক
- খেলার মাঠ



এসব সুযোগ-সুবিধা যদি পর্যাপ্ত না হয়, তাহলে স্থানীয় জনগণের দায়িত্ব হলো সিটি কর্পোরেশন/পৌরসভার মেয়র এবং কাউন্সিলরকে জানানো। তারপর এলাকার সকলে মিলে শহরাঞ্চলের সুবিধাগুলোর উন্নয়নে কাজ করতে পারি। যেমন—সেতু মেরামত করা, ময়লা নিষ্কাশন ব্যবস্থার উন্নয়ন, বৃক্ষরোপণ, খেলার মাঠ খেলার উপযোগী রাখা ইত্যাদি। সেই সাথে প্লাস্টিকের দূষণ কমাতে পারি।

১০ ক | এসো বলি

পৃষ্ঠা নম্বর ৪৪ ও ৪৬ এ উল্লিখিত সুবেগ-সুবিধাগুলো নিয়ে আলোচনা কর। শহরাঞ্চল ও গ্রামাঞ্চলের কোন সুবিধাগুলো একই এবং কোনগুলো আলাদা? কেন? কাজটি ছোট দলে ভাগ হয়ে কর।

১১ খ | এসো লিখি

আগের পাঠের ৪৫ নম্বর পৃষ্ঠার ‘এসো লিখি’ অংশে যে উন্নয়নের তালিকা তৈরি করেছ তা নাও। এখন, কী কী নির্মাণ বা মেরামত করতে হবে তা জানিয়ে স্থানীয় পরিষদে একটি চিঠি লেখ। সুন্দর করে গুছিয়ে লেখ যেন তারা তোমার চিঠি পড়ে বিষয়টির প্রতি মনোযোগী হন।

১২ গ | আরও কিছু করি

এলাকার উন্নয়ন কর্মকাণ্ড যারা পরিচালনা করেন, তাদের সম্পর্কে আরও তথ্য খুঁজে বের কর। তোমার সুপারিশ যার কাছে লিখে পাঠাবে তার ঠিকানা কী?

১৩ ঘ | যাচাই করি

সঠিক উত্তরের পাশে টিকচিহ্ন (✓) দাও।

শহরাঞ্চলে বসবাসকারী মানুষের স্বাস্থ্য রক্ষায় কোনটি থাকা সবচেয়ে প্রয়োজন?

ক. গাড়ি

খ. ডাস্টবিন

গ. নদী

ঘ. পুকুর

অধ্যায় ১০

এশিয়া মহাদেশ



বৃহত্তম মহাদেশ

বিশ্ব মানচিত্র



এশিয়া পৃথিবীর বৃহত্তম মহাদেশ। পৃথিবীর মোট স্থলভাগের প্রায় তিনি ভাগের এক ভাগ এলাকাজুড়ে এশিয়া মহাদেশ অবস্থিত। জনসংখ্যার দিক থেকেও এটি পৃথিবীর সবচেয়ে বড় মহাদেশ। পৃথিবীর প্রায় ৬০ ভাগ লোক এ মহাদেশে বাস করেন।

এশিয়া পৃথিবীর
উত্তর গোলার্ধে
অবস্থিত।
এখানে মোট
৪৮টি দেশ আছে।
কয়েকটি দেশ
মানচিত্রে উল্লেখ
করা হলো।
এশিয়ার দীর্ঘতম
নদী ইয়াংজি চীনে
অবস্থিত।



এশিয়ার মানচিত্র

এশিয়া মহাদেশের বিভিন্ন অঞ্চলের জলবায়ু বিভিন্ন ধরনের। এর মাঝখানে আছে মরুভূমি।
মরুভূমির আবহাওয়া খুব গরম। এশিয়ার উত্তরে সাইবেরিয়া অবস্থিত। এ অঞ্চল ঠাণ্ডা
এবং তীব্র শীতে তুষারপাত হয়। কোনো কোনো অঞ্চলে শীতকালে বৃষ্টি হয়, কিন্তু
গ্রীষ্মকালে বৃষ্টি হয় না। যেমন জর্ডান, ইসরাইল। ইন্দোনেশিয়া ও মালয়েশিয়ায় সারা
বছর তাপমাত্রা বেশি থাকে এবং বৃষ্টিপাত হয়।

১১ ক। এসো বলি

সবাই মিলে এশিয়ার মানচিত্রটি দেখ এবং কয়েকটি দেশের নামের তালিকা তৈরি কর। এ দেশগুলো সমস্কৰ্ত্তে তোমরা কে কী জান? কাজটি শিক্ষকের সহায়তায় কর।

১২ খ। এসো লিখি

এশিয়ার জলবায়ু নিয়ে লেখ। কাজটি একজন সহপাঠীকে সঙ্গে নিয়ে কর।

সবচেয়ে গরম	
সবচেয়ে	
সবচেয়ে শুষ্ক	
সবচেয়ে বৃক্ষিবহুল	

১৩ গ। আরও কিছু করি

সবাই মিলে এশিয়ার মানচিত্রটি শ্রেণিকক্ষের দেয়ালে লাগিয়ে দাও। দেশ, সাগর ও মহাসাগরের নামগুলো চিহ্নিত কর ও রং কর।

১৪ ঘ। যাচাই করি

মানচিত্র দেখে বাম পাশের সাথে ডান পাশের বাক্যাংশের মিল কর :

ক. এশিয়ার দক্ষিণে	ইউরোপ
খ. এশিয়ার উত্তরে	আর্কটিক মহাসাগর
গ. এশিয়ার পূর্বে	ভারত মহাসাগর
ঘ. এশিয়ার পশ্চিমে	প্রশান্ত মহাসাগর

এশিয়ার বিভিন্ন সম্পদ

খাদ্যশস্য

এশিয়ায় উৎপাদিত খাদ্যশস্যের মধ্যে ধান, গম, ভুট্টা, নারিকেল, মসলা ইত্যাদি প্রধান। ধান ও গম উৎপাদনে এশিয়া পৃথিবীর মধ্যে প্রথম। এশিয়ার অধিকাংশ স্থানেই ধান ও গম উৎপন্ন হয়।

অর্থকরী ফসল

এশিয়ার প্রধান অর্থকরী ফসলগুলো হলো পাট, তুলা, রবার, চা ইত্যাদি। এছাড়া প্রচুর পরিমাণে কফি, আখ ও রেশম জন্মে।

খনিজদ্রব্য

এশিয়া মহাদেশে প্রচুর খনিজদ্রব্য রয়েছে। এগুলোর মধ্যে কয়লা, খনিজ তেল ও প্রাকৃতিক গ্যাস অন্যতম। এছাড়াও তামা, সোনা, রূপা, অস্ত্ৰ, ম্যাজানিজ প্রভৃতি খনিজদ্রব্য প্রচুর পরিমাণে পাওয়া যায়।

শিল্প

শিল্পে এশিয়া মহাদেশ বিশেষ উন্নত। এ মহাদেশের জাপান, চীন, ভারত, মালয়েশিয়া, দক্ষিণ কোরিয়া, থাইল্যান্ড প্রভৃতি দেশে অনেক শিল্পকারখানা আছে। এশিয়ার শিল্পগুলোর মধ্যে লোহা ও ইস্পাত, বস্ত্র, পশম, কাগজ, প্রোটিন ও পাট শিল্প উল্লেখযোগ্য।



কাঞ্জকো সার কারখানা, চট্টগ্রাম

পুরো কা এসো বলি

এশিয়া মহাদেশে কী কী সম্পদ আছে? শিক্ষকের সহায়তায় শ্রেণিতে আলোচনা কর এবং বল।

খ | এসো লিখি

খাদ্যশস্য ও অর্থকরী ফসলের মধ্যে পার্থক্য লেখ।

গ | আরও কিছু করি

এশিয়ার বনভূমিতে বাঘ, হাতি, হরিণ, বানর ও বিভিন্ন ধরনের সাপ পাওয়া যায়। এই প্রাণীগুলোর ছবি সংগ্রহ কর ও এশিয়ার মানচিত্রকে ঘিরে এদের ছবি দেয়ালে সাজিয়ে দাও।



ঘ | যাচাই করি

উপরুক্ত শব্দ দিয়ে শূন্যস্থান পূরণ কর।
এশিয়ায় সবচেয়ে বেশি উৎপন্ন হয়.....।

অধ্যায় ১১

বাংলাদেশের ভূপ্রকৃতি



ভূপ্রকৃতি

ভূপ্রকৃতি হচ্ছে কোনো দেশের ভূমির গঠন ও অবস্থা, বিশেষ করে সে দেশের বিভিন্ন অঞ্চলের ভূমির উচ্চতার তারতম্য।

পাহাড়ি অঞ্চল

আমাদের দেশের বেশির ভাগ স্থান সমতল ভূমি দ্বারা গঠিত। তবে দেশের দক্ষিণ-পূর্ব ও উত্তর-পূর্ব দিকে কিছু পাহাড় আছে। দক্ষিণ-পূর্ব দিকের পাহাড়গুলো রাঙামাটি, খাগড়াছড়ি, বান্দরবান ও চট্টগ্রাম জেলায় অবস্থিত। বাংলাদেশের সবচেয়ে


উচু পাহাড়ের নাম তাজিনডং। এর উচ্চতা প্রায় ১২৮০ মিটার। তৃতীয় উচু পাহাড়ের নাম কেওরাডং। এর উচ্চতা ৯৮৬ মিটার। এ দুইটি পাহাড় বান্দরবান জেলায় অবস্থিত। এই পাহাড়ি এলাকায় বনভূমি আছে। এই বনভূমি বাংলাদেশের গুরুত্বপূর্ণ সম্পদ।

(প্লাইস্টোসিন) চতুর/সোপান ভূমি

পাহাড়ি এলাকা থেকে নিচু এসব উচু ভূমি পুরাতন পলি দিয়ে গঠিত। নদীর দ্রোতে বয়ে আসা পলিমাটি জমা হয়ে এসব ভূমি তৈরি হয়েছে। মানচিত্রে এই উচু ভূমিকে নীল রং দিয়ে চিহ্নিত করা হয়েছে। এসব উচু এলাকার মধ্যে রয়েছে উত্তরবঙ্গের বরেন্দ্রভূমি, টাঙ্গাইলের মধুপুর গড় ও কুমিল্লার লালমাই পাহাড়।

সমভূমি

সমভূমি নতুন পলি দিয়ে গঠিত এবং উত্তর থেকে দক্ষিণে কিছুটা ঢালু। এই সমভূমির উপর দিয়ে বয়ে গেছে অনেক নদী এবং এই ভূমিতে প্রায়ই বন্যা হয়। তাই নতুন পলি গঠিত সমভূমির মাটি খুব উর্বর।



বাংলাদেশের ভূপ্রকৃতিক মানচিত্র

১০ ক | এসো বলি

বাংলাদেশের ভূপ্রকৃতি সম্পর্কে তুমি যা জান, তা শিক্ষকের সহায়তায় শ্রেণিতে আলোচনা কর।

- কেউ কি পাহাড়ে, সমভূমিতে বা বনে ঘূরতে গিয়েছে?
- বেশির ভাগ নদীর গতিপথ কোন দিকে?

১১ খ | এসো লিখি

বাংলাদেশের বিভাগীয় মানচিত্রের সাথে ভূপ্রাকৃতিক মানচিত্র তুলনা কর। কোন কোন বিভাগে উচ্চ ভূমিগুলো অবস্থিত?

উচ্চ ভূমি	বিভাগ
বরেন্দ্রভূমি	
মধুপুর গড়	
লালমাই পাহাড়	

১২ গ | আরও কিছু করি

বাংলাদেশের মানচিত্র অংকন করে বিভাগগুলো চিহ্নিত কর। এবার পাহাড়ি অঞ্চলগুলো রং করে মানচিত্রে চিহ্নিত কর।

১৩ ঘ | যাচাই করি

এককথায় উত্তর দাও :

পশ্চিমে কোন উচ্চ ভূমি আছে?-----

বাংলাদেশের দক্ষিণ-পূর্ব সীমানায় কোন দেশ অবস্থিত?-----

বাংলাদেশের দক্ষিণে কোন উপসাগর অবস্থিত?-----



জলবায়ু

বাংলাদেশ ঘড় ধাতুর দেশ। ঝাতুগুলো হলো গ্রীষ্ম, বর্ষা, শরৎ, হেমন্ত, শীত ও বসন্ত। কিন্তু তাপমাত্রা ও বৃষ্টিপাতের উপর ভিত্তি করে বাংলাদেশের জলবায়ুকে প্রধান তিনটি ভাগে ভাগ করা যায়।

গ্রীষ্মকাল

মার্চ থেকে মে মাস পর্যন্ত গ্রীষ্মকাল। এ সময় তাপমাত্রা ৩৫ ডিগ্রি সেলসিয়াস পর্যন্ত হয়। কোনো কোনো দিন তাপমাত্রা এর চেয়েও বেশি হয়। বছরের সবচেয়ে উষ্ণ মাস এপ্রিল। এপ্রিল বা মে মাসে ‘কালবৈশাখী’ বাঢ় হয়।

বর্ষাকাল

জুন থেকে অক্টোবর মাস পর্যন্ত বর্ষাকাল। এ সময় মৌসুমি বায়ু বঙ্গোপসাগর থেকে উত্তর দিকে বাংলাদেশের উপর দিয়ে বয়ে যায়। ফলে প্রাচুর বৃষ্টিপাত হয়। এই ধাতুতে দেশে গড়ে ২০৩ সেন্টিমিটার বৃষ্টিপাত হয়। বৃষ্টির পর বন্যা হলে জমির উপর পলি জমে যা ফসল উৎপাদনে সাহায্যে করে।

শীতকাল

বর্ষাকালের পরে বাংলাদেশের তাপমাত্রা কমতে থাকে এবং নভেম্বর থেকে ফেব্রুয়ারি মাস পর্যন্ত শীতকাল স্থায়ী হয়। দেশের উত্তর অঞ্চলে বেশি শীত পড়ে এবং এ সময় গড়ে তাপমাত্রা থাকে ১৮ ডিগ্রি সেলসিয়াস। তবে বাংলাদেশে তুষার পড়ার মতো ঠাণ্ডা পড়ে না।

বর্ষা



৫৪

গ্রীষ্ম



শীত



৫৫

১৮ ক। এসো বলি

শিক্ষকের সহায়তায় তিনটি প্রধান ঝাতু সম্পর্কে শ্রেণিতে সবার সাথে আলোচনা কর।

- কোন ঝাতুটি তোমার সবচেয়ে পছন্দের?
- কোন ঝাতুটি কৃষিকাজের জন্য উপযোগী?
- দেশের উভয় অঞ্চলের শীতকাল বর্ণনা কর।
- বাংলাদেশে বৃক্ষের উপর বজ্গাপসাগরের প্রভাব বর্ণনা কর।

১৮ খ। এসো লিখি

তিনটি ঝাতুর যেসব সংখ্যাগত তথ্য ও বৈশিষ্ট্য রয়েছে তা লেখ। কাজটি একজন সহপাঠীর সঙ্গে কর।

গ্রীষ্মকাল	বর্ষাকাল	শীতকাল

১৮ গ। আরও কিছু করি



বৃত্তাকারে তিনটি ঝাতুকে একটি পোস্টারে আঁক।
ঝাতুগুলোর অন্তর্ভুক্ত মাস লেখ এবং ওই ঝাতুর
বিভিন্ন ছবি আঁক।

১৮ ঘ। যাচাই করি

ঝাতুর সাথে তাদের বৈশিষ্ট্যগুলো মিল কর।

গ্রীষ্মকাল	মৌসুমি বায়ু
বর্ষাকাল	কালবৈশাখী
শীতকাল	গরম
	ঠান্ডা



বঙ্গোপসাগর

বঙ্গোপসাগর একটি উপসাগর, যা বাংলাদেশের দক্ষিণে অবস্থিত। এই পাঠে আমরা বঙ্গোপসাগরের আশপাশের তিনটি আকর্ষণীয় স্থান সম্পর্কে জানব।

সুন্দরবন

বাংলাদেশের দক্ষিণ-পশ্চিমে বঙ্গোপসাগরের তীরে অবস্থিত সুন্দরবন। এ বনের নাম সুন্দরির গাছের নাম অনুসারে হয়েছে। এই বন দেশের উপকূলীয় অঞ্চলকে বাড় ও জলোচ্ছাস থেকে রক্ষা করে। এটি পৃথিবীর বৃহত্তম ম্যানগ্রোভ বন। ইউনেস্কো ১৯৯৭ সালে সুন্দরবনকে বিশ্বের একটি অন্যতম ঐতিহ্য বলে স্বীকৃতি দিয়েছে। এ বনে বাস করে পৃথিবী বিখ্যাত রয়েল বেঙাল টাইগার। এছাড়া আছে চিরা হরিণ, বন্যশূকর, সজারু আর পাখি। বনের মাঝে দিয়ে বয়ে গেছে অসংখ্য খাল ও ছোট ছোট নদী, যেখানে বাস করে কুমির, সাপ ও মাছ। খাল আর ছোট নদী সুন্দরবনের মাটিকে করেছে উর্বর।

কক্সবাজার

কক্সবাজার সমুদ্রসৈকত পৃথিবীর দীর্ঘতম বালুকাময় সমুদ্রসৈকত। এটি চট্টগ্রাম বিভাগের কক্সবাজার জেলায় অবস্থিত। এই সৈকত বঙ্গোপসাগরের উপকূল বরাবর ১২০ কিলোমিটার পর্যন্ত বিস্তৃত। সাঁতার কাটা আর ঘুরে বেড়ানোর জন্য পর্যটকদের কাছে কক্সবাজার সমুদ্রসৈকত অত্যন্ত প্রিয়। কক্সবাজার সমুদ্রসৈকতের পেছনে আছে সবুজে ঘেরা পাহাড়। কক্সবাজারের দক্ষিণে আছে সেন্টমার্টিন দ্বীপ, যা বাংলাদেশের একমাত্র প্রবাল দ্বীপ। হিমছড়ি কক্সবাজার সমুদ্রসৈকত থেকে ১৮ কিলোমিটার দক্ষিণে অবস্থিত। এটি জলপ্রপাতের জন্য বিখ্যাত। ইনানী বিচ কক্সবাজার থেকে ৩৫ কিলোমিটার দক্ষিণে অবস্থিত।

কুয়াকাটা

বাংলাদেশের দক্ষিণে পটুয়াখালী হতে বঙ্গোপসাগরের তীরঘেষে কুয়াকাটা সমুদ্রসৈকত অবস্থিত। ঢাকা থেকে কুয়াকাটার দূরত্ব প্রায় ৩৮০ কিলোমিটার। কুয়াকাটা শব্দের অর্থ হলো কুয়া খনন করা। প্রায় ২০০ বছর আগে রাখাইনরা পানির জন্য এখানে কুয়া খনন করেছিলেন। এখানে ১০০ বছরের পুরানো বৌদ্ধ মন্দির আছে। শীতে এখানে অনেক অতিথি পাখি আসে। এটি বাংলাদেশের একমাত্র সমুদ্রসৈকত, যেখানে সাগরের মধ্যে সূর্যোদয় ও সূর্যাস্ত দেখা যায়। অপূর্ব প্রাকৃতিক সৌন্দর্যের কারণে কুয়াকাটাকে বলা হয় সাগরকন্যা। কুয়াকাটা হিন্দু ও বৌদ্ধ ধর্মাবলম্বীদের তীর্থস্থান।

এই তিনটি পর্যটন কেন্দ্রে প্রচুর পর্যটক বেড়াতে যান। অতিরিক্ত পর্যটক, প্লাস্টিক ও অন্যান্য দূষণ কমানো না গেলে এসব এলাকার আসল সৌন্দর্য নষ্ট হবে। উন্নয়নের চাপ থেকেও এসব অঞ্চলকে রক্ষা করতে হবে।



ক | এমো বলি

কেন পর্যটকরা বঙ্গোপসাগরের আশপাশে এ সকল স্থানে বেড়াতে আসবেন, তা শ্রেণিতে শিক্ষকের সহায়তায় আলোচনা কর।

আমরা কীভাবে আকর্ষণীয় স্থানগুলোর পরিবেশ সংরক্ষণ করতে পারি?



খ | এমো লিখি

প্রতিটি দর্শনীয় স্থানের আকর্ষণগুলো তালিকায় লেখ। কাজটি একজন সহপাঠীর সঙ্গে কর।

সুন্দরবন	কক্সবাজার	কুয়াকাটা
		



গ | আরও কিছু করি

সুন্দরবন, কক্সবাজার, কুয়াকাটা—এই তিনি স্থানের মধ্যে যেকোনো একটি আকর্ষণীয় স্থানকে বেছে নাও। কেন স্থানটি আকর্ষণীয়? পর্যটকদের উৎসাহিত করতে একটি পোস্টার তৈরি কর।



ঘ | যাচাই করি

বিভিন্ন দর্শনীয় স্থানের সাথে তাদের আকর্ষণীয় দিকগুলোর মিল কর।

সুন্দরবন	দীর্ঘতম সমুদ্রসৈকত অতিথি পাখি
কক্সবাজার	রয়েল বেঙাল টাইগার জলপ্রপাত
কুয়াকাটা	বৌদ্ধমন্দির ম্যানগ্রোভ বন

8

দর্শনীয় পাহাড়ি এলাকা

এই পাঠে আমরা বাংলাদেশের তিনটি আকর্ষণীয় পাহাড়ি এলাকা সম্পর্কে জানব।



স্বর্ণমন্দির, বান্দরবান

বান্দরবান

বান্দরবান বাংলাদেশের দক্ষিণ-পূর্ব দিকে অবস্থিত একটি পাহাড়ি জেলা। এখানেই আছে বাংলাদেশের সর্বোচ্চ পাহাড়ের চূড়া তাজিনড়ং। এখানে আরও আছে দর্শনীয় চিমুক পাহাড়ের চূড়া ও বগী লেক। মিলানছড়িতে আছে শৈলপ্রপাত নামে এক পাহাড়ি ঝারনা। এছাড়া সারা শহরজুড়ে আছে অসংখ্য বৌদ্ধ মন্দির। স্থানীয় ভাষায় এই মন্দিরগুলোকে বলে কিয়াং।

রাঙামাটি

রাঙামাটি বাংলাদেশের আরও একটি পাহাড়ি জেলা। এর পাশ দিয়ে বয়ে গেছে কাঞ্চাই হ্রদ। রাঙামাটি সবুজ পাহাড়, বন আর লেকে ঘেরা সুন্দর জায়গা এবং জনপ্রিয় অবকাশ কেন্দ্র। রাঙামাটি চাকমা, মারমা ও অন্যান্য নৃ-গোষ্ঠীর বাসস্থান। তাই এখানে তাদের হাতে বানানো পোশাক ও হাতির দাঁতের গহনা পাওয়া যায়। এখানে একটি নৃ-গোষ্ঠী জাদুঘরও আছে। আরও আছে ঝুলন্ত সেতু।



ঝুলন্ত সেতু, রাঙামাটি



পাহাড়ের জাফলং

জাফলং

সিলেট বিভাগের উত্তরে খাসিয়া-জৈন্তা পাহাড়ের পাদদেশে জাফলং অবস্থিত। এখানে খাসি ক্ষুদ্র নৃ-গোষ্ঠীর আবাসস্থল। এখানে পিয়াইন নদী থেকে বয়ে আসে অনেক পাহাড়ি পাথর। এই পাহাড়ি পাথর স্থানীয় লোকজন সংগ্রহ ও বিক্রি করে জীবিকা নির্বাহ করেন। জাফলং পাহাড়ে ঘেরা এক সবুজ বন, যা প্রাকৃতিক সৌন্দর্যের লীলাভূমি।



ক | এসো বলি

কেন পর্যটকরা বাংলাদেশের পাহাড়ি এলাকায় বেড়াতে আসবেন, তা শিক্ষকের সহায়তায় শ্রেণিতে আলোচনা কর।

- তুমি বেড়ানোর জন্য পাহাড় নাকি সমুদ্রসৈকত বেছে নেবে?
- এসব স্থানের পরিবেশকে কীভাবে সংরক্ষণ করা যায়?



খ | এসো লিখি

প্রতিটি দর্শনীয় স্থানের আকর্ষণগুলো তালিকায় লেখ। কাজটি একজন সহপাঠীর সঙ্গে কর।

বান্দরবান	রাঙামাটি	জাফলং



গ | আরও কিছু করি

তোমার পছন্দ অনুযায়ী একটি দর্শনীয় স্থান বেছে নাও এবং কেন তুমি সেখানে যেতে চাও তা লেখ। মনে কর, শ্রেণিতে যার লেখা সবচেয়ে সুন্দর হবে সে দর্শনীয় স্থানটি ভ্রমণের সুযোগ পাবে।



ঘ | যাচাই করি

বিভিন্ন দর্শনীয় স্থানের সাথে তাদের আকর্ষণগুলোর মিল কর।

বান্দরবান	বুলত্ত সেতু
রাঙামাটি	বৌদ্ধমন্দির
জাফলং	চাকমা খাসি জাদুঘর

অধ্যায় ১২

দুর্যোগ মোকাবিলা



বন্যা



বাংলাদেশে নানা ধরনের দুর্যোগ ঘটে। তার মধ্যে উল্লেখযোগ্য দুটি হলো বন্যা ও ঘূর্ণিঝড়। প্রাকৃতিক কারণ ছাড়াও পরিবেশ দূষণের প্রভাবে অনেক সময় দুর্যোগ ঘটে থাকে।

বন্যার প্রভাব

আঘাত থেকে ভাদ্র মাসের মধ্যে মূলত বন্যার প্রকোপ বেশি থাকে। এই বন্যার ফলে মানুষের জীবন, ফসল, বাড়ি-ঘর এবং রাস্তা-ঘাটের অনেক ক্ষতি হয়। বন্যার কারণে বিশুদ্ধ পানির অভাবে নানা রোগ ছড়ায়। তবে বন্যা হলে মাটিতে পলি জমা হয়, যা মাটির উর্বরতা বাড়াতে সহায়তা করে।

বন্যার কারণ

বাংলাদেশের ভৌগোলিক অবস্থান, দৃশ্য, বাধনির্মাণ ও প্রাকৃতিক কারণে বন্যা হয়। অতিরিক্ত বৃষ্টিপাত বন্যার একটি কারণ। এ ছাড়াও পলি জমে নদীর তলদেশ ভরাট হয়ে যাওয়ার কারণে নদীগুলোর ধারণক্ষমতা হ্রাস পাচ্ছে। নদীর উজানে বাঁধ দিয়ে বর্ষা মৌসুমে হঠাৎ পানি ছেড়ে দিলে নিম্নাঞ্চল বন্যায় প্লাবিত হতে পারে। ফলে বর্ষা মৌসুমে পানি প্রবাহ বৃদ্ধি পেলে বন্যা দেখা দেয়।

বন্যা মোকাবিলা

বন্যা সব সময় নিয়ন্ত্রণ করা যায় না। আমরা যাতে বন্যা মোকাবিলা করতে পারি সে জন্য কিছু প্রস্তুতি নেওয়া যায়। যেমন :

- নিয়মিত রেডিও, টেলিভিশন ও সংবাদপত্রে আবহাওয়া সমস্পর্কে খবর শুনব।
- বাড়ির কাছে খাল-নদীতে চিহ্ন দিয়ে বাঁশ-লাঠি পুঁতে রাখব, যাতে বুবতে পারি পানি কতটুকু বাঢ়ল।
- বন্যার আগে শুকনো খাবার, বিশুদ্ধ পানি, ঔষধ জমিয়ে রাখব।
- পড়ার বই-খাতা ও ঘরের গুরুত্বপূর্ণ সামগ্রী প্লাস্টিক ব্যাগে ভরে গুছিয়ে রাখব।
- মনে সাহস রাখব এবং ধৈর্যের সাথে দুর্যোগ মোকাবিলা করব।

১১ ক | এসো বলি

শিক্ষকের সহায়তায় শ্রেণিতে আলোচনা কর :

- বন্যা নিয়ে তোমার কী ধরনের অভিজ্ঞতা আছে?
- তোমার এলাকায় সংঘটিত কোনো বন্যা সম্পর্কে তোমার অভিজ্ঞতা বল।
- বন্যা মোকাবিলায় কী ধরনের প্রস্তুতি নেবে?
- বন্যা কীভাবে প্রতিরোধ করা সম্ভব?

বন্যা



১২ খ | এসো লিখি

বন্যা মোকাবিলায় প্রস্তুতিস্বরূপ ভূমি তোমার পরিবারের জন্য প্রধান যে ৪টি কাজ করবে, তার একটি তালিকা তৈরি কর। কাজটি একজন সহপাঠীকে সঙ্গে নিয়ে কর।

১৩ গ | আরও কিছু করি

বন্যায় কী ধরনের প্রস্তুতি নিতে হয় সে সম্পর্কে বন্ধুদের মধ্যে সচেতনতা তৈরির জন্য একটি পোস্টার তৈরি কর। প্রয়োজনে ছবি আঁকতে পার অথবা অন্য কোনো ছবি সংযোজনও করতে পার।

১৪ ঘ | যাচাই করি

বন্যার সময় পড়ালেখার ক্ষতি হয় কারণ.....।



ঘূর্ণিঝড়

ঘূর্ণিঝড়ের প্রভাব

বাংলাদেশে ১৯৭০, ১৯৯১ এবং ২০০৭ সালে তিনটি ভয়াবহ ঘূর্ণিঝড় হয়েছিল। সাধারণত গ্রীষ্ম-বর্ষা মৌসুমে বাংলাদেশে সমুদ্রের কাছাকাছি এলাকাগুলোতে বেশি ঘূর্ণিঝড় হয়। মানচিত্রে দেখে নাও বাংলাদেশের কোন এলাকাগুলোতে ঘূর্ণিঝড়ের প্রকোপ বেশি। ঘূর্ণিঝড় থেকে উৎসারিত তীব্র বাতাস ঘর-বাড়ি ও ফসল ধ্বংস করে দেয়। এর ফলে সমুদ্রে ৪৫ ফুট পর্যন্ত উচু ঢেউ সৃষ্টি হতে পারে। এতে উপকূলীয় এলাকার অনেক ক্ষতি হয়।



ঘূর্ণিঝড়ের ভয়াবহতা

ঘূর্ণিঝড়ের কারণ

সমুদ্রপৃষ্ঠে তাপমাত্রা বৃদ্ধি পেলে সেখানে বায়ুর নিম্নচাপ হয়। এই নিম্নচাপের কারণে ঘূর্ণিঝড়ের সৃষ্টি হয়। এটি সম্পূর্ণ প্রাকৃতিক কারণেই ঘটে থাকে। তবে পৃথিবীর তাপমাত্রা দিন দিন বাড়ার কারণে ঘূর্ণিঝড়ের তীব্রতা বৃদ্ধি পাচ্ছে। মানুষ ঘূর্ণিঝড়কে নিয়ন্ত্রণ করতে না পারলেও এর ক্ষয়ক্ষতি কমাতে ব্যবস্থা নিতে পারে এবং ভূ-পৃষ্ঠের উষ্ণতা কমাতে জীবাশ্ম জ্বালানির ব্যবহার কমিয়ে বিকল্প জ্বালানি ব্যবহার করতে পারে।

ঘূর্ণিঝড় মোকাবিলা

ঘূর্ণিঝড়ের সময় কিছু সংকেত দেওয়া হয়। স্থানীয় হাঁশিয়ারি সংকেত ১ নম্বর থেকে মহাবিপদ সংকেত ১০ নম্বর পর্যন্ত হয়ে থাকে।

- নিয়মিত সংকেত শুনব, অন্যদের জানাব ও নিজেরা সে অনুযায়ী প্রস্তুতি নেব।
- আশ্রয়কেন্দ্র বা নিরাপদ কোনো স্থানে ঘাবার আগে নিজেদের বইপত্র ও অন্য প্রয়োজনীয় জিনিস গুছিয়ে নিরাপদ স্থানে রাখব।
- মা-বাবার সাথে মিলেমিশে কাজ করব। বড়দের কথা মেনে চলব এবং সব সময় নিরাপদ স্থানে থাকব।

কে এসে বলি

শিক্ষকের সহায়তায় শ্রেণিতে
আলোচনা করু।

- घूर्णिवाड़ सम्पर्के तुमि की शुनेछ?
 - कारण कि घूर्णिवाड़ देखार अभिभृता आहे?
 - घूर्णिवाडेर संकेत कीভाबे पाओया याय?
 - घूर्णिवाडेर क्षतिकर प्रभाव कीभाबे कमिये आना याय?

১৪ | এসো লিখি

ମାନଚିତ୍ର ଥେକେ ଘୁର୍ଣ୍ଣାଡ଼େର କବଳେ
ପଡ଼ତେ ପାରେ ଏମନ ଏଲାକାଗୁଲୋର
ତଳିକା ତୈରି କର ।

গুরুত্বপূর্ণ গ | আরও কিছু করি


ঘূর্ণিবাড়ে কী ধরনের শক্তি হয় সে সমস্পর্কে এলাকার সবার মাঝে সচেতনতা তৈরির জন্য একটি পোস্টার তৈরি কর।

প্রয়োজনে ছবি আঁকতে পার ও অন্য কোনো ছবি সংযোজন করতে পার।

ঘৰ যাচাই কৰি

শুন্যস্থান পূরণ কর ।

ঘূর্ণিবাড়ের মহাবিপদ সংকেত হলো.....।





আগুন

আগুনের প্রভাব

বাংলাদেশে আজকাল আগুন লাগার ঘটনা বেশি ঘটছে। বিশেষ করে শুষ্ক মৌসুমে শহরের বন্ডি, গার্মেন্টস, ব্যবসা প্রতিষ্ঠানে আগুন লেগে দুর্ঘটনা ঘটে। এছাড়াও যেসব এলাকায় বেশি লোক বসবাস করে সেসব এলাকাতেও আগুন লেগে এ ধরনের দুর্ঘটনা ঘটে থাকে। এর ফলে ঘরবাড়ির প্রচুর ক্ষতি হয় এবং মানুষের জীবন বিপদগ্রস্ত হয়। আমাদের লাগলে আগুন লাগলে শস্য পুড়ে যায়, এতে কৃষক ক্ষতিগ্রস্ত হয়।

আগুন লাগার কারণ

মানুষের সৃষ্টি নানা কারণে আগুন লাগতে পারে। এখানে কিছু উদাহরণ দেওয়া হলো :

- রান্নার পরে চুলার আগুন সম্পূর্ণ নিভিয়ে না দিলে
- সিগারেট, বিড়ি, ছুকার আগুন থেকে
- ঘরে কুপি, হারিকেন, মশার কয়েল জুলিয়ে রাখলে
- বাড়ির বিদ্যুতের লাইনে সমস্যা থাকলে
- কারখানার দাহ্য পদার্থ (যে জিনিসে সহজে আগুন ধরে) থেকে
- শিশুরা আগুন নিয়ে খেলা করলে বা আতঙ্কবাজি ফোটাতে গেলে
- এক বাড়িতে আগুন লাগলে সহজেই অন্য বাড়িতে আগুন ধরে যেতে পারে

আগুন মোকাবিলা

- প্রথমে নিজেকে রক্ষা করতে হবে।
- ফায়ার সার্ভিসকে খবর দিতে হবে।
- বিল্ডিংয়ের ভিতর লোক থেকে গেলে সংশ্লিষ্ট কর্তৃপক্ষকে জানাতে হবে।
- দাহ্য পদার্থ লোকালয় থেকে দূরে রাখতে হবে।
- আগুনে শরীরের কোনো জায়গা পুড়ে গেলে সেখানে ১০ মিনিট ধরে পানি ঢালতে হবে ও দ্রুত ডাক্তারের কাছে যেতে হবে।
- কোনো সম্পদ রক্ষা করতে নিজের জীবনের ঝুঁকি নেওয়া যাবে না।



আগুন নিভানো হচ্ছে

পঠন ক | এসো বলি

শিক্ষকের সহায়তায় শ্রেণিতে আলোচনা কর :

- আগুন লাগা সম্পর্কে কখনো কিছু শুনেছ?
- কেউ কি কোনো সময় নিজের এলাকায় আগুন লাগতে দেখেছ? কীভাবে আগুন লেগেছিল?
- আগুন কীভাবে প্রতিরোধ করা যায়?
- আগুন লাগলে তুমি কী করবে?

খ | এসো লিখি

এ অধ্যায়ে যে দুর্যোগগুলো সম্পর্কে জেনেছ তা কি তোমাদের মনে আছে? নিচের ছকে প্রতিটি দুর্যোগ সম্পর্কে একটি করে তথ্য লেখ।

	বন্যা	ঘূর্ণিঝড়	আগুন
কারণ			
প্রভাব			
মোকাবিলা			

গ | আরও কিছু করি

আগুন লাগলে কীভাবে মোকাবিলা করা যেতে পারে সে বিষয়ে বিদ্যালয়ের বন্ধুদের মধ্যে একটি সচেতনতামূলক আলোচনা সভা আয়োজন কর।

দুর্যোগ সম্পর্কে সচেতনতা তৈরির জন্য পোস্টার বানাতে পার। পোস্টারে নিজে আঁকা ছবি কিংবা অন্য কোনো ছবি সংযোজন করতে পার।

ঘ | যাচাই করি

বাম পাশের সাথে ডান পাশের মিল কর :

শুষ্ক মৌসুমে মানুষের অসচেতনতা	ঘূর্ণিঝড়
সাগরের উপর নিছিচাপ	জলাবন্ধতা
অতিরিক্ত বৃষ্টিপাতের ফলে পথে-ঘাটে পানি জমে যায়	আগুন লাগা

অধ্যায় ১৩

বাংলাদেশের জনসংখ্যা

৩ বাংলাদেশের জনসংখ্যা বৃদ্ধির ধারা

জনসংখ্যা বৃদ্ধি

বিভিন্ন সময়ের আদমশুমারি ও বিবিএস প্রতিবেদন থেকে নেওয়া বাংলাদেশের জনসংখ্যা সম্পর্কিত ছকটি লক্ষ কর। বাংলাদেশের জনসংখ্যা ৪৬ বছরে দ্বিগুণের বেশি হয়ে গেছে। সর্বশেষ হিসেব অনুযায়ী বছরে 1.22% হারে জনসংখ্যা বৃদ্ধি পাচ্ছে। এই বৃদ্ধির হার ১৯৭০ সালের থেকে কম। সেই সময় জনসংখ্যা বৃদ্ধির হার ছিল 3% । দেখা যাচ্ছে জনসংখ্যা বৃদ্ধির হার কমেছে। তা সত্ত্বেও বাংলাদেশের জনসংখ্যা আয়তনের তুলনায় অনেক বেশি।

জনসংখ্যার ঘনত্ব

একটি দেশে প্রতি বর্গকিলোমিটারে যতজন লোক বাস করেন, তাকে জনসংখ্যার ঘনত্ব বলে। যেহেতু আমাদের দেশের আয়তনের কোনো পরিবর্তন হচ্ছে না তাই সময়ের সাথে সাথে জনসংখ্যার ঘনত্ব বেড়ে চলেছে। ২০২২ সালে জনসংখ্যার ঘনত্ব ছিল প্রতি বর্গকিলোমিটারে ১১৯৯ জন।

জনসংখ্যার ঘনত্বের দিক থেকে বাংলাদেশের অবস্থান বিশ্বে দশম। সিঙ্গাপুরের অবস্থান তৃতীয় এবং হংকং চতুর্থ। প্রতিবেশী রাষ্ট্র ভারত আছে তেক্রিশতম স্থানে এবং পাকিস্তানের অবস্থান ছাপান্ততম।

অতিরিক্ত জনসংখ্যার কুফল

অতিরিক্ত জনসংখ্যার কারণে আমাদের প্রতিনিয়ত বিভিন্ন সমস্যায় পড়তে হয়। যেমন :

- মানুষ কাজ পায় না;
- প্রয়োজনীয় খাবার পাওয়া যায় না;
- অনেকে সন্তানদের বিদ্যালয়ে পাঠাতে পারেন না;
- চিকিৎসা সেবা পাওয়া যায় না;
- সমাজে অপরাধ বেড়ে যায়;
- পরিবেশ দূষিত হয়;

সাল	মোট জনসংখ্যা
১৯৭৪	৭ কোটি ৬৪ লক্ষ
১৯৮১	৮ কোটি ৯৯ লক্ষ
১৯৯১	১১ কোটি ১৪ লক্ষ
২০০১	১২ কোটি ৯৩ লক্ষ
২০১১	১৪ কোটি ৪০ লক্ষ
২০২২	১৬ কোটি ৫১ লক্ষ

১১ ক | এসো বলি

শিক্ষকের সহায়তায় অতিরিক্ত জনসংখ্যার প্রভাব নিয়ে শ্রেণিতে আলোচনা কর :

- পরিবহনের উপর কী ধরনের প্রভাব পড়ে?
- বাসস্থানের উপর কী প্রভাব পড়ে?
- মানুষ কি পরিবেশকে পরিষ্কার-পরিচ্ছন্ন রাখতে পারে?


১২ খ | এসো লিখি

অতিরিক্ত জনসংখ্যার প্রভাব কেমন হতে পারে তার একটি তালিকা তৈরি কর। কাজটি একজন সহপাঠীকে সঙ্গে নিয়ে কর।

কাজে	
খাবারে	
শিক্ষায়	
স্বাস্থ্য	
পরিবেশে	

১৩ গ | আরও কিছু করি

জনসংখ্যার বৃদ্ধি নিয়ে একটি গ্রাফ তৈরি কর।



১৪ ঘ | যাচাই করি

সংখ্যা দিয়ে শূন্যস্থান পূরণ কর :

২০২২ সালে বাংলাদেশের মোট জনসংখ্যা ছিল।

প্রতি বর্গকিলোমিটারে বাংলাদেশের জনসংখ্যা।

বাংলাদেশের জনসংখ্যা বৃদ্ধির বার্ষিক হার।

আমরা বিশ্বে তম জনবহুল দেশ।



জনসংখ্যা বৃদ্ধির কারণ

বাংলাদেশে জনসংখ্যা নানা কারণে বৃদ্ধি পাচ্ছে। জনসংখ্যা বৃদ্ধির প্রধান চারটি কারণ হলো :



সামাজিক কারণ : বাংলাদেশের জনসংখ্যা দ্রুত বৃদ্ধি পাওয়ার পেছনে বিভিন্ন সামাজিক কারণ রয়েছে। যেমন: শিক্ষার অভাব, বাল্যবিবাহ, বহুবিবাহ, কুসংস্কার, ছেলে সন্তান লাভের আশা ইত্যাদি।

বাংলাদেশের জনসংখ্যার প্রায় অর্ধেক নারী। আর তাদের অধিকাংশ আয়মূলক কাজে জড়িত নন। ফলে ছেলেমেয়ে লালন-পালনেই তাদের বেশি সময় ব্যয় করতে হয়। অনেক মা-বাবা মনে করেন, অধিক সন্তান থাকলে বৃদ্ধি বয়সে তাদের দেখাশোনা করবে। তাই তারা বেশি সন্তান নেন।

অর্থনৈতিক কারণ : বাংলাদেশের অর্থনীতি কৃষিনির্ভর। আর কৃষিকাজে লোকবল বেশি প্রয়োজন হয়। এ কাজ করার জন্য সবাই ছেলে সন্তান চায়। কারণ ছেলেরাই কৃষিকাজ করে পরিবারের জন্য আয় করে থাকেন। আবার বৃদ্ধি বয়সে মা-বাবা ছেলে সন্তানের উপর বেশি নির্ভর করেন।

ধর্মীয় কারণ : অনেক মানুষ বিশ্বাস করেন সৃষ্টিকর্তা যেহেতু আমাদের সৃষ্টি করেছেন, তিনি খাবারের ব্যবস্থাও করে রেখেছেন। ফলে তারা অধিক সন্তান জন্ম দেওয়ার বাস্তব সমস্যাগুলোর কথা ভাবেন না।

স্বাস্থ্যগত কারণ : চিকিৎসাবিজ্ঞানের উন্নতিতে বাংলাদেশের মৃত্যুহার এখন অনেক কমে এসেছে।

জনসংখ্যা বৃদ্ধির হার কমানোর ফেডে নারীর ভূমিকা অনেক বেশি গুরুত্বপূর্ণ। মেয়েদের যথাযথ শিক্ষা থাকলে তারা তাদের পরিবারের জন্য অর্থ উপার্জনের কাজ করতেন। শিক্ষা ও ভালো উপার্জন তাদের জীবনযাত্রার মান সম্পর্কে সচেতন করত। ফলে পরিবার ছোট রাখা সম্ভব হতো।

জনসংখ্যা কা এসো বলি

অতিরিক্ত জনসংখ্যা বৃদ্ধির ফলে যে সমস্যাগুলো হয় তা সমাধানের কয়েকটি উপায় নিচে দেওয়া আছে। এগুলোর মধ্যে কোনটি সবচেয়ে গুরুত্বপূর্ণ বলে মনে কর? গুরুত্বের ভিত্তিতে ক্রমানুসারে সমাধানগুলো সাজাও। শিক্ষকের সহায়তায় আলোচনার মাধ্যমে কাজটি কর।

- উন্নত চিকিৎসা সেবা
- ছোট পরিবার
- সন্তানদের যথাযথ শিক্ষা
- নারীদের উপর্জনমূলক কাজে অংশগ্রহণ

খ | এসো লিখি

নিচের শিরোনামে জনসংখ্যা বৃদ্ধির কারণগুলোর তালিকা তৈরি কর :

সামাজিক	
অর্থনৈতিক	
ধর্মীয়	
সাংস্থাগত	

জনসংখ্যা আরও কিছু করি

জনসংখ্যা বৃদ্ধির সমস্যা সম্পর্কে সচেতন করতে টেলিভিশনে একটি নতুন ধরনের অনুষ্ঠানের পরিকল্পনা কর। যে বিষয়গুলো লক্ষ রাখতে হবে :

- অনুষ্ঠানে আমন্ত্রিত অতিথি কারা থাকবেন?
- কী কী দৃশ্য থাকতে পারে?
- কী বার্তা তুমি দিতে চাও?



ঘ | যাচাই করি

সংক্ষেপে উত্তর দাও :

তোমার মতে বাংলাদেশের জনসংখ্যা বৃদ্ধির মূল কারণ কোনটি?

অধ্যায় ১৪

আমাদের ইতিহাস

৩

প্রাচীন যুগ



প্রাচীন যুগের একজন রাজা

এই অধ্যায়ে আমরা প্রাচীনকালের তিনজন রাজা সম্পর্কে জানব। আরও জানব সেই সময়কার সামাজিক ও অর্থনৈতিক অবস্থা সম্পর্কে।

রাজা শশাংক

সপ্তম শতকে বাংলায় শশাংক নামে একজন প্রভাবশালী রাজা ছিলেন। তিনি বাংলার স্বাধীন অস্তিত্ব বজায় রেখেছিলেন এবং কর্ণসুবর্ণ ছিল তাঁর রাজধানী। তাঁর শাসনামলে তিনি বাংলার বাইরেও রাজ্যসীমানা বাড়িয়েছিলেন।

রাজা গোপাল

রাজা শশাংকের পর প্রায় একশ বছর ধরে বাংলায় ভীষণ অস্থির অবস্থা বিরাজ করছিল। এরপর অষ্টম শতকে রাজা গোপাল বাংলার সিংহাসনে বসেন। তিনি পাল রাজবংশের প্রতিষ্ঠাতা। এই রাজবংশ বাংলায় প্রায় ৪০০ বছর রাজত্ব করেছিল।

রাজা লক্ষণ সেন

রাজা লক্ষণ সেন দ্বাদশ শতকে বাংলায় রাজত্ব করেন। রাজা লক্ষণ সেন ছিলেন সেন রাজবংশের চতুর্থ রাজা। তিনি ছিলেন একজন সুপ্রতিষ্ঠিত ও কবি। ১২০৪ খ্রিষ্টাব্দে লক্ষণ সেনকে পরাজিত করে বখতিয়ার খিলজী বাংলায় মুসলিম শাসনের সূচনা করেছিলেন।

সামাজিক জীবন

সেই সময়ের সমাজজীবনের মূলভিত্তি ছিল গ্রাম। তখন মানুষ সন্তান পেশায় নিয়োজিত ছিলেন। যেমন: কৃষক, নাপিত, কামার, কুমার, ঘোপা, মুচি ইত্যাদি। সে সময় হিন্দু ও বৌদ্ধ ছিল দুইটি প্রধান ধর্ম। নৌকা, গরুর গাড়ি ও পালকি ছিল প্রধান যানবাহন। ভাত ছিল বাঙালির প্রধান খাদ্য। শাকসবজি, ডাল, মাছ ইত্যাদিও খাওয়া হতো। বিনোদনের প্রধান উপাদান ছিল গান, নাচ, পাশা, দাবা, মল্লযুদ্ধ ও কুস্তি খেলা।

অর্থনৈতিক জীবন

কৃষিকাজই ছিল প্রাচীন বাংলার মানুষের প্রধান পেশা। ধান আর আখ ছিল প্রধান ফসল। কুটির শিল্পে তুলা ও রেশম দিয়ে বাংলার কারিগররা নানারকম কাপড় বুনতেন। এসব কাপড় বিদেশেও রপ্তানি করা হতো। সমুদ্রপথে চট্টগ্রাম বন্দর দিয়ে বাংলার বণিকেরা বিদেশের সাথে বাণিজ্য করতেন।



১৪ ক | এসো বলি

বাংলার প্রাচীনকালের ইতিহাস সম্পর্কে তুমি যা শুনেছ তা শিক্ষকের সহায়তায় শ্রেণিতে সবার সাথে আলোচনা কর।

- রাজবংশ কী?
- প্রাচীন যুগে মানুষের প্রধান পোশা কী ছিল?



১৫ খ | এসো লিখি

নিচের তিনজন রাজার বিভিন্ন অর্জন এবং তাদের শাসনকাল লেখ। কাজটি একজন সহপাঠীর সঙ্গে কর।

শশাঙ্ক	গৌপাল	লক্ষণ সেন



১৬ গ | আরও কিছু করি

নিচে দেওয়া শতাব্দীর ঘটনাপঞ্জি আঁক এবং এই তিনজন রাজার নাম এবং তাদের রাজবংশীয় শাসনামলের সময় উল্লেখ কর।

-----সপ্তম-----অষ্টম-----নবম-----দশম-----একাদশ-----দ্বাদশ-----
 শতক শতক শতক শতক শতক শতক



১৭ ঘ | যাচাই করি

বিভিন্ন রাজার সাথে তাদের শাসনকালের মিল কর।

সপ্তম শতক	লক্ষণ সেন
অষ্টম শতক	শশাঙ্ক
দ্বাদশ শতক	গৌপাল



মুসলিম শাসনামল

প্রাচীনকালের পরবর্তী সময় মুসলিম যুগের শাসনামলের তিনজন রাজা সম্পর্কে আমরা জানব, আরও জানব সেই সময়কার সামাজিক ও অর্থনৈতিক অবস্থা সম্পর্কে।

শামসুদ্দিন ইলিয়াস শাহ

শামসুদ্দিন ইলিয়াস শাহ চতুর্দশ শতকে বাংলার সিংহাসনে বসেন। তাঁর প্রধান সাফল্য হলো তিনি দিল্লির সুলতানদের কবল থেকে বাংলার স্বাধীনতা বজায় রাখেন। ইলিয়াস শাহী বংশের শাসনের সূচনা করেন। তাঁর শাসনামলে দেশীয় ভাষা, সাহিত্য, পদ্ধতি ও কবিদের সমাদর বাঢ়ে।

ঈসা খা

বাংলার বড় বড় অঞ্চলের জমিদার যাঁরা বারোভুঁইয়া নামে পরিচিত, তাঁদের নেতা ছিলেন ঈসা খা। তিনি সোনারগাঁও-এর জমিদার ছিলেন। বাংলার স্বাধীনতার জন্য ঘোড়শ শতকে দিল্লির মোগল সম্রাট আকবরের সাথে তিনি যুদ্ধ করেন। ঈসা খা মৃত্যুর পূর্ব পর্যন্ত বাংলায় মোগলদের অধীনতা মানেননি।

শায়েস্তা খান

বাংলা মোগলদের অধীনে চলে গেলে সপ্তদশ শতকে মোগলরা শায়েস্তা খানকে বাংলার সুবেদার নিযুক্ত করেন। তাঁর আমলে সুশাসন ছিল। এ সময় চাল খুব সঙ্গ ছিল। টাকায় আট মন চাল পাওয়া যেত। শায়েস্তা খান এ অঞ্চল থেকে জলদস্যদের বিতাড়িত করেন।

সামাজিক অবস্থা

বাংলায় তখন হিন্দু, মুসলমান এবং বৌদ্ধসহ অন্যান্য সম্প্রদায়ের মানুষ মিলেছিলে বাস করতেন। মধ্যযুগের শাসকদের আনুকূল্যে বাংলা ভাষা এবং সাহিত্য ব্যাপকভাবে বিকশিত হয়। এ সময় বাংলায় গড়ে উঠেছিল ঐতিহ্যবাহী কুটির শিল্প। কুটির শিল্পের কারিগররা ছিলেন অত্যন্ত পারদর্শী। মধ্যযুগের পোশাক এবং খাদ্যাভাস ছিল প্রাচীন যুগের মতোই।

অর্থনৈতিক অবস্থা

এ যুগের অর্থনীতি ছিল মূলত কৃষিভিত্তিক। এ সময় সুতার তৈরি মসলিন এবং রেশমের কাপড় অনেক প্রসিদ্ধ ছিল। হাতির দাঁতের শিল্প ও কাঠের কাজে বাংলার শিল্পীরা পারদর্শী ছিলেন। আমদানি থেকে রঞ্জনি বাণিজ্য এ সময় বেশি ছিল। চট্টগ্রাম বন্দর থেকে রঞ্জনি হতো চাল, চিনি, আদা, হলুদ, মসলিন এবং অন্যান্য ধরনের কাপড়। বাণিজ্য কেন্দ্র হিসেবে চট্টগ্রাম সুপরিচিত ছিল।

১১ ক | এসো বলি

বাংলাৰ মুসলিম শাসনামলেৰ ইতিহাস সম্পর্কে তুমি যা জান, তা শিক্ষকেৱ সহায়তায় শ্ৰেণিতে আলোচনা কৰ।

- কখন বাংলা সাহিত্যেৰ ব্যাপক বিকাশ ঘটে?
- মোগলৰা কোন স্থান হতে শাসনকাৰ্য পৰিচালনা কৰত?

১২ খ | এসো লিখি

নিচেৰ তিনজন রাজাৰ বিভিন্ন অৰ্জন সম্পর্কে লেখ। কাজটি একজন সহপাঠীৰ সঙ্গে কৰ।



শামসুদ্দিন ইলিয়াস শাহ	ইসা খাঁ	শায়েস্তা খান

১৩ গ | আৱও কিছু কৰি

আগেৰ পাঠে তোমাৰ আঁকা ঘটনাপঞ্জিৰ সাথে বাংলাৰ মুসলিম শাসনামল যোগ কৰ। এই সময়কাল সম্পর্কে আৱও কিছু ঘটনা খুঁজে বেৰ কৰতে চেষ্টা কৰ।

১৪ ঘ | যাচাই কৰি

বিভিন্ন শাসকদেৱ সাথে তাদেৱ শাসনামলেৰ মিল কৰ :

চতুর্দশ শতক	শায়েস্তা খান
যোড়শ শতক	শামসুদ্দিন ইলিয়াস শাহ
সপ্তদশ শতক	ইসা খাঁ

অধ্যায় ১৫

আমাদের মুক্তিযুদ্ধ

৩

ভাষা আন্দোলন : ১৯৫২

১৯৪৭ সালে ভারত ও পাকিস্তান বিপ্লবের কাছ থেকে স্বাধীনতা লাভ করে। পাকিস্তানের দুইটি ভাগ ছিল। একটি পূর্ব পাকিস্তান এবং অপরটি পশ্চিম পাকিস্তান। পাকিস্তানের রাজধানী ছিল পশ্চিম পাকিস্তানে। আর তাই পশ্চিম পাকিস্তানিদের শিক্ষা, কর্মসংস্থান এবং ব্যবসা-বাণিজ্যের ক্ষেত্রে বেশি সুযোগ-সুবিধা ভোগ করত। পশ্চিম পাকিস্তানি শাসকগোষ্ঠী উর্দুকে রাষ্ট্রভাষা হিসেবে বাঙালিদের উপর চাপিয়ে দেওয়ার চেষ্টা করেছিল। বাঙালিরা তা মেনে নেয়নি এবং এর বিরুদ্ধে আন্দোলনে নামে।

১৯৫২ সালের একুশে ফেব্রুয়ারি রাষ্ট্রভাষা বাংলার দাবিতে ঢাকার রাজপথে মিছিল বের হয়। পুলিশ দে মিছিলে গুলিবর্ষণ করে। সেখানে রফিক, সালাম, জব্বার, বরকত, শফিউরসহ অনেকেই শহিদ হন।

ভাষাশহিদদের স্মরণে ঢাকায় শহিদ মিনার গড়ে তোলা হয়। এছাড়া অনেক শিক্ষা প্রতিষ্ঠানেও ছোট ছোট শহিদ মিনার গড়ে তোলা হয়েছে। প্রতিবছর একুশে ফেব্রুয়ারি আমরা শহিদ দিবস হিসেবে পালন করি।

প্রতিবছর বিশুজ্জুড়ে দিনটি

‘আন্তর্জাতিক মাতৃভাষা

দিবস’ হিসেবেও

পালিত হয়।



কেন্দ্রীয় শহিদমিনার



ক | এসো বলি

শিক্ষকের সহায়তায় শ্রেণিতে প্রশংগুলোর উত্তর দাও।

- পশ্চিম পাকিস্তানিরা কী কী সুযোগ-সুবিধা ভোগ করত?
- পশ্চিম পাকিস্তানিরা কোন ভাষা রাষ্ট্রভাষা হিসেবে চালু করতে চেয়েছিল?
- কেন তারিখে মিছিল বের হয়েছিল?
- ভাষা আন্দোলনে কারা শহিদ হয়েছিলেন?
- দিনটিকে কীভাবে স্মরণ করা হয়?



খ | এসো লিখি

তোমাদের বিদ্যালয়ে বিগত শহিদ দিবস (আন্তর্জাতিক মাতৃভাষা দিবস) কীভাবে পালিত হয়েছিল তার বর্ণনা লেখ।



গ | আরও কিছু করি

১৯৫২ সালের ভাষা আন্দোলন সম্পর্কে আরও তথ্য সংগ্রহ কর।

১৯৫২ থেকে ১৯৭১ সাল পর্যন্ত যারা শহিদ হয়েছেন, তাদের ছবি নিয়ে অ্যালবাম তৈরি কর। ছবিগুলোর নিচে তাদের নাম লেখ।



ঘ | যাচাই করি

শূন্যস্থান পূরণ কর :

একুশে ফেব্রুয়ারিতে আমরা পালন করি।

২ গণ অভ্যর্থনা: ১৯৬৯

ভাষা আন্দোলনের পরে পূর্ব পাকিস্তানে বিরোধী রাজনৈতিক দলগুলোর শক্তিশালী জোট গঠিত হয়। এই জোটের নাম ‘যুক্তফ্রন্ট’। ১৯৫৪ সালে প্রাদেশিক পরিষদ নির্বাচনে যুক্তফ্রন্ট বিজয়ী হয় এবং সরকার গঠন করে। তবে কয়েক মাসের মধ্যেই পাকিস্তানি শাসকগোষ্ঠী যুক্তফ্রন্ট সরকার ভেঙে দেয়। ফলে এ দেশের সার্বিক অবস্থার অবনতি ঘটে।

১৯৬৬ সালে বঙ্গবন্ধু শেখ মুজিবুর রহমান ছয় দফা উত্থাপন করেন। এর মাধ্যমে পূর্ব পাকিস্তানে দ্বায়ত্বশাসনের দাবি তোলা হয়। এ সময়ে বঙ্গবন্ধুসহ আরও ৩৫ জনের বিরুদ্ধে মামলা দেওয়া হয় এবং তাদের কারাগারে বন্দি করা হয়। এই মামলাটি আগরতলা মামলা নামে পরিচিত। অসংখ্য ছাত্র ও সাধারণ মানুষ এই গ্রেফতারের প্রতিবাদ জানান। মওলানা ভাসানীর নেতৃত্বে বঙ্গবন্ধুসহ সকল কারাবন্দীকে মুক্ত করার জন্য ছাত্র-জনতা আন্দোলন শুরু করে। তা একসময় গণঅভ্যর্থনার রূপ নেয় যা '৬৯-এর গণঅভ্যর্থনা নামে খ্যাত। শহিদ হন শিক্ষক, ছাত্রসহ অনেকে। গণঅভ্যর্থনার চার শহিদের ছবি নিচে দেওয়া হলো:



শহিদ আসাদ

শহিদ সার্জেন্ট আবুল হিকম

শহিদ ড. শামসুজ্জোহা

শহিদ মতিউর

এই অভ্যর্থনার ফলে পাকিস্তানের প্রেসিডেন্ট আইয়ুব খান পদত্যাগে বাধ্য হন এবং নতুন প্রেসিডেন্ট হন ইয়াহিয়া খান। বঙ্গবন্ধুর নেতৃত্বে আওয়ামী লীগ ১৯৭০ সালের সাধারণ নির্বাচনে জয়লাভ করলেও ইয়াহিয়া খান আওয়ামী লীগকে সরকার গঠন করতে দেয়নি। ফলে পূর্ব পাকিস্তানে অসহযোগ আন্দোলন শুরু হয়।

১০ ক | এসো বলি

শিক্ষকের সহায়তায় প্রশ্নগুলোর উত্তর দাও :

- ১৯৫৪ সালের নির্বাচনে কারা জয়লাভ করেছিল?
- ছয় দফা দাবির উদ্দেশ্য কী ছিল?
- কীসের বিরুদ্ধে গণঅভ্যর্থনা হয়েছিল?
- অভ্যর্থনে কারা শহিদ হয়েছিলেন?
- ১৯৭০ সালের নির্বাচনে কারা জয়লাভ করে?

১১ খ | এসো লিখি

নিচের সালগুলোতে কী ঘটেছিল?

- ১৯৫২
- ১৯৫৪
- ১৯৬৬
- ১৯৬৯
- ১৯৭০

১২ গ | আরও কিছু করি

তোমাদের এলাকার একজন মুক্তিযোদ্ধাকে শ্রেণিতে আমন্ত্রণ জানাও এবং ১৯৬৯ থেকে
১৯৭১ সাল পর্যন্ত ঘটনাপ্রবাহ তাঁর কাছ থেকে শোন।

১৩ ঘ | যাচাই করি

সঠিক উত্তরের পাশে টিকচিহ্ন (✓) দাও

- কারাবন্দিদের মুক্ত করার আন্দোলনে কে নেতৃত্ব দেন?
- ক. শেখ মুজিবুর রহমান খ. মওলানা ভাসানী
 গ. সোহরাওয়ার্দী ঘ. এ কে ফজলুল হক



১৯৭১ সালের মুক্তিযুদ্ধ

১৯৭১ সালের ৭ই মার্চ ঢাকার রেসকোর্স ময়দানে এক বিশাল জনসভা অনুষ্ঠিত হয়। এই জনসভায় বঙ্গবন্ধু শেখ মুজিবুর রহমান জনগণের উদ্দেশে বলেন—“এবারের সংগ্রাম আমাদের মুক্তির সংগ্রাম, এবারের সংগ্রাম স্বাধীনতার সংগ্রাম।”



বঙ্গবন্ধুর ৭ই মার্চের ভাষণ



মেজর জিয়াউর রহমানের
স্বাধীনতার ঘোষণা

১৬ই মার্চ থেকে ২৫শে মার্চ পর্যন্ত ইয়াহিয়া খানের সাথে আওয়ামী লীগ নেতৃবৃন্দ আলোচনা করেন। সব আলোচনা ব্যর্থ করে দিয়ে ২৫শে মার্চের কালরাতে পাকিস্তানি সেনাবাহিনী রাজারবাগ পুলিশ লাইনস, ইপিআর সদর দপ্তর ও ঢাকা বিশ্ববিদ্যালয় আক্রমণ করে। অসংখ্য ছাত্র, শিক্ষক, পুলিশ, ইপিআর সদস্য ও সাধারণ নারী-পুরুষকে তারা হত্যা করে। এ রাতেই বঙ্গবন্ধুকে প্রেরণ করা হয়। ২৬শে মার্চ তারিখে মেজর জিয়াউর রহমান চট্টগ্রামের কালুরঘাট বেতারকেন্দ্র থেকে বাংলাদেশের স্বাধীনতা ঘোষণা করেন। এরপর তিনি ২৭শে মার্চ তারিখে বঙ্গবন্ধু শেখ মুজিবুর রহমানের পক্ষে আবারও স্বাধীনতার ঘোষণা দেন।

১৯৭১ সালের ১০ই এপ্রিল বাংলাদেশের প্রথম অস্থায়ী সরকার গঠিত হয়। এ সরকার মুজিব নগর সরকার নামে পরিচিত। বঙ্গবন্ধু হলেন স্বাধীন বাংলাদেশের রাষ্ট্রপতি। তাজউদ্দীন আহমদ হন প্রধানমন্ত্রী। এ সরকার মুক্তিযুদ্ধে অংশগ্রহণে জনগণকে উৎসাহিত করে এবং যুদ্ধ পরিচালনার জন্য ‘মুক্তিবাহিনী’ গঠন করে। মুক্তিযুদ্ধে সকল শ্রেণি-পেশার বাঙালিদের পাশাপাশি বিভিন্ন নৃ-গোষ্ঠীর মানুষরাও অংশগ্রহণ করেছিলেন।

১৯৭১ সালের ১৬ই ডিসেম্বর পর্যন্ত মোট নয় মাস মুক্তিযুদ্ধ চলে। এ যুদ্ধে ত্রিশ লক্ষ মানুষ শহিদ হন, অসংখ্য মানুষ পক্ষে হন, অনেকেই ঘরবাড়ি হারান। রাজাকার-আলবদর নামে পরিচিত কিছুসংখ্যক বাঙালি পাকিস্তানিদের পক্ষে হত্যা, অগ্নিসংযোগ ও বর্বর নির্যাতন চালায়। তাদের বর্বর নির্যাতন ও পাকিস্তানের হানাদার বাহিনীর নিষ্ঠুর গণহত্যা মুক্তিবাহিনীকে দমাতে পারেনি। অবশেষে বাংলাদেশ স্বাধীন হয় এবং স্বাধীন ভূ-খ্যের পাশাপাশি আমরা পাই একটি নতুন মানচিত্র, জাতীয় পতাকা ও জাতীয় সঙ্গীত।

১০ ক | এসো বলি

সবাই মিলে প্রশংগুলোর উত্তর দাও :

- ১৯৭১ সালের ৭ই মার্চ বঙ্গবন্ধু কোথায় ভাষণ দিয়েছিলেন?
- ইয়াহিয়া খানের সাথে কতদিন ধরে আলোচনা হয়েছিল?
- ২৫শে মার্চে কী ঘটেছিল?
- কে বাংলাদেশের স্বাধীনতা ঘোষণা করেন?
- ১০ই এপ্রিল কী ঘটেছিল?
- কয় মাস ধরে মুক্তিযুদ্ধ চলেছিল?
- মুক্তিবাহিনীতে কারা যোগদান করেছিলেন?

১১ খ | এসো লিখি

১৯৭১ সালের নিম্নের দিনগুলোতে কি ঘটেছিল?

৭ই মার্চ

১৬ই মার্চ

২৫শে মার্চ

২৬শে মার্চ

১০ই এপ্রিল

১৬ই ডিসেম্বর

১২ গ | আরও কিছু করি

তোমাদের পরিবার ও আশপাশের বয়স্ক মানুষদের কাছ থেকে ১৯৭১ সালের ঘটনা
শোন। সমভব হলে স্মৃতিচারণের জন্য বিদ্যালয়ে তাদের আমন্ত্রণ জানাও।

১৩ ঘ | যাচাই করি

বাক্যটি সম্পূর্ণ কর :

১৯৭১ সালের ডিসেম্বর মাসে বাংলাদেশ

অধ্যায় ১৬

আমাদের সংস্কৃতি

৩

ভাষা ও পোশাক

সংস্কৃতি হচ্ছে আমাদের প্রতিদিনের জীবনব্যাপনের ধরন। এর মধ্যে রয়েছে আমাদের ভাষা, পোশাক, খাদ্য, আচার-অনুষ্ঠান, গানবাজনাসহ আরও অনেক কিছু। আমাদের দেশে বিভিন্ন জাতিগোষ্ঠী ও ধর্মের মানুষের নিজস্ব সংস্কৃতি রয়েছে। এগুলো সব মিলিয়েই বাংলাদেশের সংস্কৃতি।

ভাষা

ভাষার মাধ্যমে আমরা মনের ভাব প্রকাশ করি। বাংলাদেশের বেশির ভাগ নৃ-গোষ্ঠীর নিজস্ব মাতৃভাষা রয়েছে। তবে আমাদের রাষ্ট্রভাষা বাংলা। এদেশের মুসলিম, হিন্দু, বৌদ্ধ খ্রিস্টান, সবাই বাংলা ভাষার মাধ্যমে একসূত্রে গাঁথা।

মেয়েদের পোশাক

শাড়ি বাংলাদেশের মেয়েদের ঐতিহ্যবাহী পোশাক। বর্তমানে অনেকেই বিশেষ করে কম বয়সী মেয়েরা সালোয়ার-কামিজ পরতে পছন্দ করে। অনেকেই বোরকা ও হিজাব পরেন। ছোট মেয়েদের অনেকেই ফ্রক এবং স্কার্ট পরে। তবে বিশেষ অনুষ্ঠানগুলোতে বেশিরভাগ মেয়েই শাড়ি পরেন এবং নানারকম গয়না, টিপ, ফুল পরে থাকেন।

ছেলেদের পোশাক

এদেশের পুরুষেরা গ্রামাঞ্চলে এবং বাড়িতে সাধারণত লুঙ্গি পরেন। অফিসের কাজে তারা শাট-প্যান্ট পরেন। অনেকে বিশেষ অনুষ্ঠানে পাঞ্জাবি-পায়জামা পরেন। বয়স্ক হিন্দু পুরুষেরা আগে ধূতি পরতেন। পুরুষ মুসলমানগণ ধর্মীয় অনুষ্ঠানে পায়জামা-পাঞ্জাবি ও টুপি পরেন।

পুরুষ কা এসো বলি

বিশেষ অনুষ্ঠানে তোমরা কী ধরনের পোশাক পারো? একজন সহপাঠীর সাথে আলোচনা কর।
তোমাদের পরিবারের অন্য সদস্যরা কী ধরনের পোশাক পরেন?

খ | এসো লিখি

তোমার এলাকার মানুষ কী ধরনের পোশাক পরেন সে সম্পর্কে লেখ।



মেয়েদের পোশাক	ছেলেদের পোশাক

গ | আরও কিছু করি

বিভিন্ন ধরনের পোশাকের ছবি দিয়ে একটি আলবাম তৈরি কর। ছবির নিচে পোশাকগুলো
সম্পর্কে লেখ।

ঘ | যাচাই করি

কোনটি সংস্কৃতির অংশ নয়?

ক. ভাষা খ. পোশাক গ. গাড়ি ঘ. ধর্ম

খাবার

কথায় আছে ‘মাছে-ভাতে বাঙালি’। মাছ ও ভাত আমাদের প্রধান খাবার। এছাড়াও আমরা ডাল, মাংস ও নানারকম শাকসবজি খাই এবং খাবার সুস্বাদু করার জন্য মসলা ব্যবহার করি।

বিশেষ অনুষ্ঠানে আমরা সাধারণত পোলাও-মাংস, বিরিয়ানি এবং খিচুড়ি খাই। বৃক্ষের দিনে খিচুড়ি খাওয়া বাঙালিদের সংস্কৃতিতে পরিগত হয়েছে। গরমের দিনে কৃষক পরিবারে নানারকম ভর্তা, ভাজি ও কাঁচামরিচ দিয়ে পাত্তা খাওয়ার প্রচলন রয়েছে।

আমরা উৎসব অনুষ্ঠানে মিষ্টি খেতে ভালোবাসি। আমাদের মিষ্টি খাবারগুলো সাধারণত দুধের তৈরি। যেমন: দই, পায়েস, রসগোল্লা, চমচম, ক্ষীর ইত্যাদি। উদ্বোধন দিনে সেমাই এবং শবেবরাতে হালুয়া তৈরি হয়। বিভিন্ন পূজা ও উৎসবে হিন্দুরা পায়েস, নাড়ু, মোয়া এবং মুড়কি তৈরি করেন। বড়দিন উপলক্ষ্যে শ্রীফটানরা অনেক রকম পিঠা তৈরি করেন।



১০ ক | এসো বলি

তোমাদের প্রিয় খাবার নিয়ে একজন সহপাঠীর সাথে আলোচনা কর।

বিশেষ অনুষ্ঠানে তোমরা কী খাও?

তোমাদের প্রিয় মিষ্টি কী কী?



১১ খ | এসো লিখি

নিচের ছকে দেওয়া উৎসবগুলোতে
যেসব মিষ্টিজাতীয় খাবার খাওয়া হয়
সেগুলোর নাম লেখ :

মিষ্টি

ঈদ ও শবেবরাত	পূজা	বড়দিন

১২ গ | আরও কিছু করি

নিচে দেওয়া খাবারগুলোর যেকোনো একটির রেসিপি জোগাড় কর :

- মাছের তরকারি
- মাংসের তরকারি
- সবজি
- মিষ্টি
- শরবত

১৩ ঘ | যাচাই করি

বাক্যটি সম্পূর্ণ কর :

আমাদের প্রধান খাবার কী কী



৬ আচার - অনুষ্ঠান ও সংগীত

আমাদের জীবনে বিভিন্ন সময়ে অনেক রকম অনুষ্ঠান হয়। নিচে সেরকম তিনটি ছবি দেওয়া হলো :

মুখোভাত



গায়ে হলুদ



জন্মদিন

আমাদের দেশে বিভিন্ন উৎসব অনুষ্ঠানে, পালা-পার্বণে এবং দৈনন্দিন জীবনে নানা প্রকার গান বাজনা হয়। লোকসংগীত বাংলাদেশের প্রাণ। ক্ষেত্রে লাঙল দিতে দিতে কৃষকেরা গান গায়। নৌকা বাইতে বাইতে মাঝি গান গায়। তেমনই এক গ্রাম থেকে অন্য গ্রামে যেতে যেতে বাড়ুলেরা গান গায়। জারি, সারি, বাড়ুল, ভাটিয়ালি, ভাওয়াইয়া, গম্ভীরা আমাদের প্রধান লোকসংগীত। এছাড়া গ্রামের মেলা আর অনুষ্ঠানগুলোতে যাত্রা, পালাগান, কীর্তন আর মুশিদি গানের আসর বসে। সংরক্ষণের অভাবে আমাদের নিজস্ব সংস্কৃতি হারিয়ে যাচ্ছে। বিদেশি সংস্কৃতির প্রভাবে আমাদের দেশের সংস্কৃতি আজ বিপন্ন। আমরা সবাই সচেতন হলে আমাদের সংস্কৃতি রক্ষা করা সম্ভব হবে।



ক | এসো বলি

পারিবারিক বিভিন্ন অনুষ্ঠান নিয়ে একজন সহপাঠীর সাথে আলোচনা কর।
তোমার সবচেয়ে পছন্দের অনুষ্ঠান কোনটি? কেন?



খ | এসো লিখি

আগের পৃষ্ঠার ছবিগুলো দেখ। যেকোনো একটি অনুষ্ঠান বেছে নাও এবং তোমার অভিজ্ঞতা বর্ণনা কর। অনুষ্ঠানটিতে কী ধরনের খাবার খেয়েছিলে? অনুষ্ঠানে কারা অংশগ্রহণ করেছিলেন?

মুখ্যভাব	ছোট বাচ্চাদের প্রথম ভাত মুখে দেওয়ার অনুষ্ঠান
জন্মদিন	জন্মগ্রহণ করার দিনটি আনন্দ সহকারে পালন করা
গায়ে হলুদ	বিয়ের আগে গায়ে হলুদ অনুষ্ঠান হয়



গ | আরও কিছু করি

তোমার এলাকার লোকগীতি
সম্পর্কে আরও কিছু তথ্য খুঁজে
বের কর।



ঘ | যাচাই করি

আমাদের সংস্কৃতি কেন তার ঐতিহ্য হারাতে বসেছে?

নমুনা প্রশ্ন

অধ্যায় ১: আমাদের পরিবেশ ও সমাজ

অন্তর্কাহায় উত্তর দাও :

১. থাকৃতিক পরিবেশের তিনটি উপাদানের নাম লেখ।
২. বাংলাদেশের কোন কোন অঞ্চলে বেশি বন্যা হয়?
৩. সামাজিক পরিবেশের তিনটি উপাদানের নাম লেখ।
৪. বেশি বেশি গাছ লাগানো হয়েজান কেন?

প্রশ্নগুলোর উত্তর দাও :

১. বাংলাদেশের উত্তর ও দক্ষিণ অঞ্চলের ভূপ্রকৃতি কীভাবে আলাদা?
২. আমাদের সামাজিক পরিবেশে আর্দ্র জলবায়ুর প্রভাব কী?

অধ্যায় ২: সমাজে পরস্পরের সহযোগিতা

অন্তর্কাহায় উত্তর দাও :

১. জনসংখ্যায় নারী ও পুরুষের সংখ্যা কীভাবে তুলনা করা হয়?
২. 'বৈষম্য' বলতে কী বোঝায়?
৩. শ্রেণিকক্ষে বিশেষ চাহিদাসম্পন্ন একটি শিশুর পরিচয় দাও।
৪. 'বৈচিত্র্য' বলতে কী বোঝায়?

প্রশ্নগুলোর উত্তর দাও :

১. পরিবারে ছেলে ও মেয়েদের সমানভাবে মূল্যায়নের একটি উদাহরণ দাও।
২. তোমার কোনো বন্ধুর উপর রেগে গেলে তুমি কী কর?

অধ্যায় ৩: বাংলাদেশের বিভিন্ন নৃ-গোষ্ঠী

অন্তর্কাহায় উত্তর দাও :

১. চাকমা জনগোষ্ঠী কোন ধরনের বাড়ি নির্মাণ করেন?
২. মারমা জনগোষ্ঠী কোন ধর্মের অনুসারী?
৩. সাঁওতালদের একটি উৎসবের নাম লেখ।
৪. মণিপুরিরা যে বিশেষ এক ধরনের শাক খান তার নাম কী?

প্রশ্নগুলোর উত্তর দাও :

১. কীভাবে নৃ-গোষ্ঠীর জীবনযাত্রা অন্যদের চেয়ে আলাদা?
২. কীভাবে বর্তমান সময়ে নৃ-গোষ্ঠীর জীবনযাত্রা বদলে যাচ্ছে?

অধ্যায় ৪: নাগরিক অধিকার

অন্তর্কাহায় উত্তর দাও :

১. 'নাগরিক' বলতে কী বোঝায়?
২. 'ভাষার অধিকার' বলতে কী বোঝায়?
৩. একটি রাজনৈতিক অধিকারের নাম লেখ।
৪. 'অর্থনৈতিক অধিকার' কী?

প্রশ্নগুলোর উত্তর দাও :

১. মত প্রকাশের স্বাধীনতার অধিকারের একটি উদাহরণ দাও।
২. ন্যায় পরিশীলন না পেলে মানুষ কী করতে পারেন?

অধ্যায় ৫: মূল্যবোধ ও আচরণ

অল্প কথায় উত্তর দাও :

১. একটি নেতৃত্ব গুণের নাম লেখ ।
২. নতুন স্থানের মানুষ কেমন আচরণ করেন, তার একটি উদাহরণ দাও ।
৩. তোমার একটি দোষের কথা লেখ যা তুমি পরিত্যাগ করতে চাও ।
৪. রাষ্ট্রায় কিছু টাকা কৃতিয়ে পেলে তুমি কী করবে?

প্রশ্নগুলোর উত্তর দাও :

১. মূল্যবোধ ও আচরণের মধ্যে পার্থক্য কী?
২. নেতৃত্ব গুণগুলোর মধ্যে কোনটির মাধ্যমে তুমি সুপরিচিত হতে চাও ?

অধ্যায় ৬: পরমতসহিষ্ণুতা

অল্প কথায় উত্তর দাও :

১. ‘সহিষ্ণুতা’ বলতে কী বোঝায়?
২. অভ্যন্তরে মতামত শোনা উচিত কেন?
৩. বাড়িতে অন্যদের মতামত নিয়ে সিদ্ধান্ত গ্রহণের একটি উদাহরণ দাও ।
৪. ‘বিতর্ক’ কী?

প্রশ্নগুলোর উত্তর দাও :

১. তোমার সবাই মিলে শ্রেণিকক্ষের বাইরে কোথাও ঘুরতে যাওয়ার সিদ্ধান্ত কীভাবে নেবে?
২. সকলের মতামত নিয়ে আলোচনা করতে কি বেশি সময় লাগে?

অধ্যায় ৭: কাজের মর্যাদা

অল্প কথায় উত্তর দাও :

১. কার্যিক শ্রমতত্ত্বিক একটি কাজের নাম লেখ ।
২. হাসপাতালে কোন ধরনের পেশাজীবীরা কাজ করেন ?
৩. আইনি পেশার উদ্দেশ্য কী?
৪. সকল পেশার মানুষের সাথে আমাদের কেমন আচরণ করা উচিত ।

প্রশ্নগুলোর উত্তর দাও :

১. কোন কাজটিকে তোমার সবচেয়ে কঠিন মনে হয়?
২. তুমি ভবিষ্যতে কোন পেশায় কাজ করতে চাও?

অধ্যায় ৮: সামাজিক এবং রাষ্ট্রীয় সম্পদ

অল্প কথায় উত্তর দাও :

১. পার্ক এবং খেলার মাঠ কীভাবে সমাজে ভূমিকা রাখে?
২. সরকার আমাদের জন্য কী কী নির্মাণ করে?
৩. সমাজে পানির দুইটি ব্যবহার উল্লেখ কর ।
৪. দুইটি প্রাকৃতিক সম্পদের নাম লেখ ।

প্রশ্নগুলোর উত্তর দাও :

১. প্রাকৃতিক সম্পদ রক্ষায় আমরা কী কী করতে পারি?
২. রাষ্ট্রায়টি ও সেতু মেরামত করা জরুরি কেন?

অধ্যায় ৯: এলাকার উন্নয়ন

অন্তর্কথায় উন্নতির দাও :

১. গ্রামীণ অঞ্চলের দুইটি সুবিধা উল্লেখ কর।
২. কীভাবে রাষ্ট্র-ঘাট ও সেতু মেরামত করা সম্ভব?
৩. শহর অঞ্চলের দুইটি সুবিধা উল্লেখ কর।
৪. কীভাবে পানি ও গ্যাস লাইন মেরামত করা সম্ভব?

প্রশ্নগুলোর উন্নতির দাও :

১. এলাকার উন্নয়নে আমাদের ভূমিকা কী হওয়া উচিত?
২. এলাকায় কোনোকিছু মেরামত করার দায়িত্ব কার?

অধ্যায় ১০: এশিয়া মহাদেশ

অন্তর্কথায় উন্নতির দাও :

১. বাংলাদেশ ব্যতীত এশিয়া মহাদেশের দুইটি দেশের নাম লেখ।
২. এশিয়া মহাদেশের পাশে অবস্থিত দুইটি মহাসাগরের নাম লেখ।
৩. এশিয়ার দুইটি প্রধান ফসলের নাম লেখ।
৪. এশিয়া মহাদেশের দুইটি আণীর নাম লেখ।

প্রশ্নগুলোর উন্নতির দাও :

১. এশিয়া বিশ্বের বৃহত্তম মহাদেশ কেন?
২. এশিয়ার জলবায়ুর প্রকৃতি বর্ণনা কর।

অধ্যায় ১১: বাংলাদেশের ভূপ্রকৃতি

অন্তর্কথায় উন্নতির দাও :

১. বাংলাদেশের নদীগুলো কোন সাগরে পতিত হয়েছে?
২. আমাদের দেশে কয়টি খাতু আছে?
৩. আমাদের দেশে জলাভূমির ম্যানগ্রোভ বন কোথায় অবস্থিত?
৪. সেখানে কোন কোন আণী পাওয়া যায়?

প্রশ্নগুলোর উন্নতির দাও :

১. বাংলাদেশের সমুদ্রসৈকতগুলোতে বেশি পর্যটক আকৃষ্ণ করতে ভূমি কী করবে?
২. সমুদ্রসৈকতগুলো রক্ষায় ভূমি কী করতে পার?

অধ্যায় ১২: দুর্যোগ যোকাবিলা

অন্তর্কথায় উন্নতির দাও :

১. কোন দুইটি প্রাকৃতিক দুর্যোগে আমরা বেশি আক্রান্ত হই?
২. বন্যার পর কোন কারণে রোগের প্রাদুর্ভাব বেড়ে যেতে পারে?
৩. আগুন লাগার দুইটি কারণ উল্লেখ কর।
৪. বন্যা প্রতিরোধের দুইটি উপায় লেখ।

প্রশ্নগুলোর উন্নতির দাও :

১. মানুষ কীভাবে বন্যার ঝুঁকি আরও বাড়িয়ে তুলেছে?
২. জলোচ্ছাস/সাইক্রোনের প্রভাব বর্ণনা কর।

অধ্যায় ১৩: বাংলাদেশের জনসংখ্যা

অল্প কথায় উত্তর দাও :

১. বাংলাদেশে বর্তমানে বার্ষিক জনসংখ্যা বৃদ্ধির হার কত?
২. বর্তমানে জনসংখ্যার ঘনত্ব কত?
৩. জনসংখ্যার ঘনত্বের ভিত্তিতে বর্তমানে পৃথিবীতে বাংলাদেশের অবস্থান কত?
৪. অতিরিক্ত জনসংখ্যার একটি সামাজিক কারণ উল্লেখ কর।

প্রশ্নগুলোর উত্তর দাও :

১. পরিবেশের উপর অতিরিক্ত জনসংখ্যার প্রভাব কী কী?
২. পরিবারে শিশুর সংখ্যা কম থাকলে কী কী হতে পারে?

অধ্যায় ১৪: আমাদের ইতিহাস

অল্প কথায় উত্তর দাও :

১. বাংলার প্রাচীন যুগের একজন রাজার নাম লেখ।
২. কোন শতাব্দীতে বাংলায় মুসলিম শাসন প্রতিষ্ঠিত হয়?
৩. বাংলার মুসলিম শাসনামলের একজন শাসকের নাম লেখ।
৪. কোন শতাব্দী থেকে বাংলার সাহিত্যচর্চা বিকশিত হয়?

প্রশ্নগুলোর উত্তর দাও :

১. মুসলিম শাসনামলে বাংলার ধর্মীয় আচার-আচরণের বিবরণ দাও।
২. মুসলিম শাসনামলে বাংলার ব্যবসা-বাণিজ্যের বিবরণ দাও।

অধ্যায় ১৫: আমাদের মুক্তিযুদ্ধ

অল্প কথায় উত্তর দাও :

১. ভাষা আন্দোলন কখন হয়েছিল?
২. ছয়-দফা দাবি কখন উত্থাপন করা হয়েছিল?
৩. বাংলাদেশের স্বাধীনতার ঘোষণা দেওয়া হয় কখন?
৪. বাংলার স্বাধীনতা যুদ্ধ কয় মাস স্থায়ী হয়েছিল?

প্রশ্নগুলোর উত্তর দাও :

১. ১৯৭০ সালের নির্বাচন আমাদের জন্য গুরুত্বপূর্ণ কেন?
২. বঙ্গবন্ধুকে কেন কারাগারে বন্দি করা হয়েছিল?

অধ্যায় ১৬: আমাদের সংস্কৃতি

অল্প কথায় উত্তর দাও :

১. বাঞ্ছি সংস্কৃতির দুইটি উপাদানের নাম লেখ।
২. উৎসবে আমরা কোন ধরনের মিষ্টি খাই?
৩. লোকসংগীতের দুইটি ধারার নাম লেখ।
৪. আমাদের সংস্কৃতির জন্য কী কী হৃষকি আছে?

প্রশ্নগুলোর উত্তর দাও :

১. বাঞ্ছি সংস্কৃতির কোন বিষয়টি তোমার সবচেয়ে পছন্দের? কেন?
২. তোমার মতে আমাদের সংস্কৃতির প্রধান প্রিয় বৈশিষ্ট্য কী কী?

শব্দভাবার

অঙ্গীকার- সকলের আগে সুবিধা লাভের সুযোগ।

অর্থকরী ফসল- যেসব কঢ়িপণ্য রপ্তানি করে বৈদেশিক মুদ্রা অর্জন করা হয়।

অধিকার- মানুষ হিসেবে যা আমাদের প্রাপ্তি।

আচরণ- একজন মানুষের প্রতি আরেকজন মানুষের ব্যবহার।

ইনানী বিচ- কঞ্চিত্বাজার থেকে ৩৫ কিলোমিটার দক্ষিণে অবস্থিত একটি পাথুরে ও বালুময় সৈকত।

একসূত্রে গাঁথা- সবাই মিলে একসাথে ধাকা/একই সুতোয় গাঁথা।

কালরাত- ভয়াল রাত/ভয়ংকর রাত।

গোলার্ধ- পৃথিবীর অর্দেক : আমরা উত্তর গোলার্ধে বসবাস করি।

জনসংখ্যার ঘনত্ব- প্রতি বর্গকিলোমিটারে বসবাসরত মানুষের সংখ্যা।

দাহ্য- সহজে আগুন ধরে যায় এমন জিনিস।

দায়িত্ব- এমন কোনো কাজ যা অবশ্যই করণীয়।

দুর্ঘাগ- বিপর্যয় (বন্যা, ঘূর্ণিবাড়, আগুন লাগা ইত্যাদি)।

নাগরিক- একটি নির্দিষ্ট দেশে বসবাসকারী ব্যক্তি।

পরমতসহিষ্ণুতা- অন্যের মতামতকে শ্রদ্ধা করার শক্তি।

প্রবাল দীপ- প্রবালে সমৃদ্ধ দীপ।

প্রাকৃতিক সম্পদ- পরিবেশের উপাদানসমূহ যেগুলো আমাদের ভালোভাবে বাঁচতে সাহায্য করে।

প্রকৌশলী- যারা বাড়ি-ঘর, রাস্তা-ঘাট, সেতু বানানোর কাজ করেন।

প্রযুক্তিবিদ- যারা মানুষের প্রয়োজনে নানা যন্ত্র ও কৌশল উন্নাবন করেন।

কার্মসিস্ট- যারা ঔষধ তৈরি করেন।

বিতর্ক- কোনো নির্দিষ্ট বিষয়ে বিভিন্ন মতামতের উপর আনুষ্ঠানিক আলোচনা।

বৈষম্য- সবাইকে সমান দৃষ্টিতে না দেখা।

বৈচিত্র্য- ভিন্নতা।

ভূপ্রকৃতি- উচ্চতা অনুযায়ী ভূমির ধরন।

ম্যানগ্রোভ বন- লোনা পানিতে জন্মায় এমন উদ্ভিদের বন।

মূল্যবোধ- আমরা যা ভালো ও সঠিক বলে মনে করি।

রাজত্ব- রাজপরিবারের শাসন/ রাজপরিবারের শাসনভূক্ত এলাকা।

সম্পদ- উন্নত জীবনযাপনের জন্য প্রয়োজনীয় উপকরণ।

স্বায়ত্তশাসন- নিজের দ্বারা পরিচালিত শাসন।

২০২৫ শিক্ষাবর্ষের জন্য, চতুর্থ শ্রেণি-বাংলাদেশ ও বিশ্বপরিচয়

গাছ আমাদের পরম বন্ধু।



জাতীয় শিক্ষাক্রম ও পাঠ্যপুস্তক বোর্ড, বাংলাদেশ
গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য